

6:9:250

A017

~~2:0:118~~

K. ~~XI~~ ~~X~~ 50.

XI. 45.



William Charles De Meuron, Earl Fitzwilliam.


~~51-8-52~~

~~A. G. M. S.~~

400

Gull Larvae
Picked

X



GUILLELMI POSTELLI
De
REPVBLICA,

Sen
MAGISTRATIBUS
ATHENIENSIVM

Liber.

Ex Museo

JOAN. BALESDENS, in
Principe Senatu Advocati.



LVGDVNI BATAVORVM,
Ex officina JOANNISMAIRE.
cId Idcxxxv.

REPUBLICAN

1848

MAGISTRATUS

AT THE

LIBRARY

OF

JOHN M. BATESMAN

Principle Senior Advocate



LIBRARY

OF

JOHN M. BATESMAN





GVILLELMVS POSTELLVS

5
GVIL. POSTELLI

MATHEMATVM

Et

PEREGRINARVM

Linguarum Regius

Interpres.

GVILLELMO POYETO

Gallia Cancellario

S. P. D.



ULTIS nominibus
sum adductus, Can-
cellarie æquissime, ut
hanc tenuitatis inge-
nioli foeturam, qua (ut parenti-
bus prole) nil mihi in hac vita
charius, nil dulcius esse potest,
tibi dicarem. Primo, ut in amici-
tia hoc parvo quidē, sed magno
labore composito & collecto

A 2

ope-

opere, me tibi respondere ostenderem, qui singulari benevolentia me incogitantem fovere cœperis : ut quum authoris curam susceperis , etiam eius in literis diligentia testimonium habeas. Alterum est , ne ingrati animi notam , qua nil turpius , nil ab humanitate alienius esset debet, desidia , atque tuorum in me meritorum silentio subirem. Tertium, ut meum de magistratibus opus , meo nomine parum fultum, autoritateque destitutum, eum adiret patronum, quo nec autoritate maior, nec prudentia rerumque cognitione ac usu assiduo superior , magistratuum vero creandorum emendandorumve nullus peritior , in ipsis autem viros optimos idoneosque deligendo nullus esset exactior : cuius auspiciis & in publicum prodiret, & authoris tenui-

N V N C V P A T O R I A. 7

tenuitatem sarcire atque compensare posset. E diverso vero dicare tibi iampridem illæ occupationes vetuerant, quibus tantum non obrueris. In te enim quum totius Gallicæ reip. molem incumbere atque quiescere viderem, à te æqui bonique fontem expeti, dimanare, leges per te conservari, instaurari, vigerere, mille libellos tibi legendos, probandos, & ut sic dicam, cancellandos, causas innumeras audiendas, te iudiciis præscribere, te unum afflictis succurrere, & ut semel finiam, quæcunque ad æquitatem inter mortales conservandam faciunt, te administrare cernerem: profecto vehementer terrebar, atque apud me res eiusmodi perpendens, dicebam: Qui poterit superesse tuis legendis tempus? oleum & operam perdis. ne in-

spicere quidem licebit. delituif-
se præstiterit. Verum in hoc
animi fluctu vicit timorem be-
nemerendi ardor: statuique po-
tius dum ea quæ ab officio meo
non abhorrent, persequor, mi-
nus opportune me ingerere,
quam quiescendo tibi animum
in te meum non significare. Ani-
mi non parum ad eam rem fe-
cerat Budæus, quo, quandiu
vixit, nunquam in hoc summo
honorum quo es insignitus cu-
mulo participâdo carere potui-
sti: cuius mortis acerbiter ut
lachrymis copiosissimis ac con-
tinuo mœrore testatus, ita ma-
ximum illius nomine favorem
eius liberis, patre quidem di-
gnis exhibes, locoque patris es.
Auxit & Lazarus Baysius, vir
quidem certe omni bonarum
doctrinarum cognitione, atque
utraque literatura apprime or-
natus

NUNCUPATORIA. 9

natus, cuius eam ob rem assiduo
 convictu & literatis colloquiis
 quotidie uteris. Id suavit Chry-
 foreus noster, cuius in literis
 magnas animi dotes præmio
 digno ornandas censuisti, cura-
 stique. Nolo hic attingere (quod
 me potissimum incitare debe-
 bat) quot præclara ingenia eve-
 xeris, & contra quot fucata, fa-
 voreque atque ambitione nixa,
 veluti reip. incommoda ab usu
 fori & iudiciorum repuleris.
 Taceo quam honorifice de do-
 ctis omnibus & probis sentias,
 loquere: quod noctes totas,
 quum interdiu non liceat, me-
 moriam illam, qua nec Simoni-
 des nec Mithridates fuit supe-
 rior, in omni disciplinarum ge-
 nere ita exerceas, ut facile ipsa-
 rum professores vincas, inque
 admirationem trahas. Me vero
 vehementer permovere debe-

A s bar

bat illa tua sollicitudo qua in nostris salariis nobis representandis, quum aulam ea de re sectarer, usum te sciunt omnes. Debebat præterea (nisi te alio urgentiores curæ raperent quotidie) studium illud tuum, crebraque apud regem commemoratio de trilingui Collegio, communi Regiæ liberalitatis atque in literas animi testimonio, & regionum professorum nomine, ædificando, deque proventu & salario rege digno constituendo. Quum etiam viderem, rem literariam, unicum futuræ virtutis seminarium, abs te veluti à suo fonte pendere, pro manareque ab ea quam de te concepit spe, non tamen me confirmabant ista omnia, nisi Gabriel Boverius Andium pontifex tibi ex sorore nepos, in cuius clientelam etiam me adscriptum voluisti,

N V N C V P A T O R I A. II

luisti, me pene continuis convitiis omnino egisset diversum: cui sane ut obsequar, præter amicitiam & illius singularis virtus & integritas facit. Mei itaq; magistratus tuum adeunt patrocinium. Meos enim cur etiam non appellem, qui iam totos mille annos ipsis Græcis peculiari opere desyderati, Latinis nunquam visi, à me una & instaurationem & nascendi habent principium? Græca quidem ex quibus verti, antea adscripseram: verum omittere partim ideo fuit consilium, ne eandem sententiam bis percurrere lector cogeretur, neve libri moles duplo excreceret: atque quia Latinis scribebam, visum est tantum Latina è Græcis versa servare. Satis porro sum habiturus, meque maximum operæ precium fecisse credam, si nostra

12 EPIST. NVNCVP.

stra vel semel abste lecta tui
gravissimi acerrimi que iudicii
cenfuram accipient, inque tute-
lam tuam recipientur, atque
clientuli animum de te bene
merendi cupidum tibi signifi-
cabunt. Vale.

IN

IN LIBRUM
De
MAGISTRATIBUS
ATHENIENSIVM

P R Æ F A T I O.



RÆCIPVA antiquo-
rum omnium quicun-
que de rebus humanis
præclare aliquid com-
mentari aut tractare voluerunt,
sententia consuetudoque fuit, ut
antiquitatem ob oculos sibi tan-
quam exemplar proponerent: me-
rito sane rati ea ratione maiorem
diuturnitatem suis adferre operi-
bus. Constat enim nimis crebro
experimento, sine magna illa cum
hominum tum rerum publicarum
disciplina, institutione & exem-
plo, ita infelicitè versatos fuisse
in suis tractationibus, qui anti-
quitatis contempsere placita, ut
qui

qui in tenebris ea conati sunt opera exequi , quæ lucis potissimum adminiculo absolvuntur. Vnde egregii rerum humanarum auctores & instauratores, ut secula semper proficere ostenderent , ea quæ paucis & simplicissime dicta, scripta , factave à maioribus erant , voluerunt aut laudando probandoque extollere, aut addendo amplificare , aut quadam adiuncta diligentia magis illustrare & absolvere. Quum enim una origine olim producti, aut ab involutionum conflagrationumve periculo servati homines essent : necesse fuit post iustum in primum habitatis locis acceptum incrementum, eamque hominum multitudinem illic natam , cui regio illa nataleque solum alenda impar esset : illam inquam multitudinem in varias traduci colonias : idque diu post suæ originis tempora. Sic vero dispersos homines sensim ita
adoles-

PRÆFATIO. IS

adolevisse, ut congressu mutuo, & astutia (qua ab asty, i. civitate dicta est) cultioris vita usum paulatim reciperent, credi par est: quum iam scilicet illorum vix nomine fama ve noti maiores, conversationis assiduitate vitam induerant docuerantque humaniorem. Conversationem enim & crebrum hominum concursum, omne vel ferocissimum hominum genus reddere mansuetius, nemo facile negaverit, cui recta adsit ratio. Nam quis dubitet quin eadem ratione loquela, artes, ipsaque comparatu difficillima virtus, demum rerum omnium verisimilitudo (quum verum ipsum in occulto mortalibus lateat) summa indagine sensim inter mortales adoleverit, eo modo quo perpetuo sibi constantis natura opera solent lentius consurgere? Porro ubi aliquid incrementi in quodam solo acceperit, iam illam trans-

transplantari contingit, atque ita ad exteros, vel commercio tantum familiares, rerum assiduo usu ab his passim ad alios transeunte, migrare certum est. Quis enim non credat opus fuisse ad leges condendas, & virtutem ob oculos reuerā ponendam longissimo tempore, quum illam ipsam vitii loco haberi apud multos certum sit, ut contra vitium illius loco substitui, etiam passim vulgare? quum praecipue videat insolitorum facinorum authores, artium instrumentorumque inventores passim celebrari, & mortaliū numero eximi, quod scilicet in vita vel artis appendicem reperissent. Inde deorum & falsa persuasione orta colluvies. Maxime itaque patet secula semper proficere (nisi vis providentiae nobis contra humanum iudicium utilissima, bello, fame, peste, aut insolita ruina antiquitatem totam literis & hominum

minum memoria commendatam
 delet, & superstites principia
 quadam humilia agere doceat)
 inque dies humana cognitioni
 quicquam addi. Quibus rationi-
 bus adductus Plato, emendanda-
 rum legum summum remedium
 scriptum reliquit, si videlicet om-
 nibus seculis (quibus vel præstan-
 tissimas mortalium corrumpi, ho-
 minumque fraude & versutia
 inverti certum est) omnium aut
 saltem præstantissimarum rerum-
 publicarum leges moresque in u-
 num conferrentur, ac una virtu-
 te duce & arbitra per prudentes
 viros ex singulis sumeretur quod
 ad mutuam omnium emendatio-
 nem faceret, unumq; corpus mor-
 bo vacans componeretur: id eam
 sententia iudicans, quod proban-
 dum susceperam. Res enim eo ma-
 gis est vegeta, quo altius egit ra-
 dices. Ut igitur illa imitatione
 etiam ego aliqua in re prodesse

Reipubl. coner, volui è priscorum
monumentis erutam præstantis-
simam rerumpublicarum imagi-
nem Atheniensium politiam in
manus hominum dare: cuius etsi
exacta comparatio cum nostra
propter diversam monarchia &
democratia administrationem fie-
ri non poterit, spero tamen futu-
rum ut hinc aliquod remedium
ad eius emendationem desumere
possit. Atque non tantum leges
Atheniensium à Romanis expeti-
tas fuisse me ostensurum spero, sed
& divisionis populi, & magistra-
tuum exempla inde sumpta claris-
simis argumentis me demonstra-
turum confido. Quia vero exem-
plis res humana ut sentit Plato,
aut conservantur, aut instauran-
tur: non tantum comparatione re-
rum nostrarum sum usus, verum
Romana, quandoque Veneta, non
raro Turcica, quas ipsis in locis di-
ligentissime perspectas habui, com-
para-

P R Æ F A T I O. 19

parationes adducere visum est: alioquin Turcicam diligenter lingua Gallica conscriptam, Francisco Valesio Galliarum regi prestantissimo, & Margareta illius sorori dicavi duobus libris: in quorum primo quæ ad religionis persuasionem & ceremonias attinent, adque iurisdictionem: in secundo, de magistratibus & regio censu ad minima usque tractavi. Romanam & Venetam non pauci scriptam reliquere. Hac nostra si minus absolute tractata prodierit, nemo æquus alieni laboris estimator mirabitur, quum ire per extantum huiusmodi funem primus tentaverim, remque deperditam pene ab inferis revocaverim. Adductus porro sum in hanc tractationem, librorum quos de ea inter ceteras respublicas scripserat Aristoteles, desyderio, quum nileius operis præter crebras apud varios authores citationes exta-

*re iam ante mille annos compe-
ri. Vnde non ex ipso authore,
prater pauca, sed ex Demosthe-
ne, Æschine, Isocrate, Libanio,
Vlpiano Demosthenis interprete,
Polybio, Plutarcho, Harpocratio-
ne, & eius nota authoribus
visum est Latinus potius male
latine tradere, quam tanta mea
diligentia fraudare cui sum na-
tus rempublicam unica minus
tersæ dictionis compositæve ora-
tionis opinione. Per me igitur
præstantissimam reipublicæ spe-
ciem, operis præstantissimi in-
staurationem, accipient litera-
rum Græcarum candidati, qui-
bus ista scribimus: ex qua non
parvam lucem accessuram eius
linguæ difficultati spero. Nullum
enim antiquitatis monimentum
potest exacte cognoscere, qui reip.
administrationis partes non co-
gnoverit. Sed de populo dicere ag-
gredior.*

G V I L.

GUILLELMI POSTELLI

De

REPVBLICA,

Sen

MAGISTRATIBUS

ATHENIENSIVM

Liber.

Ex Museo

JOAN. BALESDENS,
in Principe Senatu Advocati.

C A P. I.

De Populi Divisione.



ATHENIENSES, qui
& *αὐτόχθονες*, idest
indigenæ nuncupari
altius referendæ ori-
ginis gratia gaudebant, tribus

B 3

distin-

distinctos fuisse nominibus,
 scriptum non pauci reliquerunt.
 Inter illos enim erant *ἐὺταπιδαι*,
γεωμόγει, *δημιόγει*. Primo no-
 bilitas, ut Romæ patricii, appel-
 lari volebat. Geomori erant ru-
 stici, ita dicti, quod illis iampri-
 dem pars aliqua agri Artici ad-
 colendum cessisset. Artifices, qui
 artes mechanicas & mercimo-
 nia in urbe exercebant, tertio
 vocabulo vocari solebant. Si-
 gnificabat & demiurgi vox,
 præter sellularios, & eos qui vi-
 lioribus artibus victum sibi pa-
 rabant, etiam id munus quod
 Romani Publicanum vocant.
 Iis qui erant aut ætate aut hono-
 ribus maiores, inter cæteros di-
 cebantur demogerontes, quasi
 Senatores, quibus à popularibus
 præcipue summa deferebatur
 authoritas. Primum alioqui no-
 mē *ἐὺχθόραν* non populi fundi
 aut civitate donati fuit, sed illo-
 rum

rum quorum maiores communi omnium consensu tantum Athenis vixisse, nec aliunde originem traxisse assererentur. Ambitionis itaq; illius gratia *δημοκρίται* vocabantur populi fundi. Qui autem ex tribus unius parte tertia (quæ quot essent, statim aperiam) *ὀμομαλακταί*, id est (si verbum licebit fingere) collactanei dicti sunt. Suprema literarum memoria illa nomina servavere, donec sibi factionum nomina, unde pestis deterrima & rerum publ. & popularium oritur, sibi fecere, quo tempore adhuc *ἑφετά* magistrarum à Dracone primo Athenis legislatore institutorum oligarchia regebantur. Erant vero hæc nomina, *πιδύται*, *διάρκται*, *πώγχοι*, *ἐκτεμόχοι*. Illi ut solidiores in reipub. opibus favebant oligarchiæ, paucorum videlicet potentia: diacrii popu-

larem flagitabant administrationem, iniquo animo potentiores in republica primas partes obtinere ferentes. parari pro rerum fluctu modo huic, modo alteri factionis parti studentes, sibi & aliis viam ad libertatem impeditam reddebant. Interim omnis iniuriæ fluctus in miseros hec temorios redundabat. Erant enim ita appellati, tenuiori fortuna homines, quod potentiorum tyrannidi sextam suarum rerum partem quotannis pendere cogerentur. Fiebat itaque (quod semper in simili rerum statu evenit) ut summum ius summa esset iniuria (ut in parte corporis male affecta solent aut vitiosi aut nimii humores incumbendo dolorem augere) in miserorum civium & favoribus destitutorum caput procumbens. Ut autem cognosci possit, & velut ob oculos poni populus Athenien-

theniensis : ut præterea constet
 quam vigili cura , quamque acri
 magistratum ingenio ad illum
 in officio retinendum opus fue-
 rit , visum est illius ingenium ex
 Polybii libro sexto depingere.
 Fuit (ait) populus Atheniensis
 perpetuo navibus navarcho de-
 stitutus similis. Quum enim in
 ipsis aut propter hostium terro-
 rem , aut hyemis sævitiam , ani-
 mi affectus classiariis imperave-
 rit esse animo simul concordi,
 atque parere navarcho , tunc fit
 ab ipsis nautis officium diligen-
 tissime : sin quadam securitate
 semel inceperint duces contem-
 nere , ac invicem movere sedi-
 tiones (ob id scilicet quod sunt
 diversa omnes sententia) tunc
 his adhuc navigare cupienti-
 bus , illis portum petere guber-
 natorem cogentibus , deformis
 quædam rerum facies intuenti-
 bus apparet ob seditionem &

litem inter illos obortam, his scilicet rudentes ac vela contrahere, illis è diverso laxare volentibus: sociis vero & navigationis consortibus ingens imminet periculum. Unde non raro ubi magnas pelagi procellas atque hyemes sævissimas effugere, in ipso portu impingunt, atque adeo prope ipsam terram naufragium faciunt. Quod sane iam sæpius reipub. Atheniensium contigit. Superatis enim maximis gravissimisque periculis, quum propter populi, tum propter magistratuum ducumque virtutem, in facillimis, nullique adversæ fortunæ rebus obnoxiiis temere est periclitata. Quamobrem de hac amplius dicere non licet, in qua, turba rerum summam habet, quodam irrationabili impetu illo animi libidine conducto & instructo, ardore & vehementia impulsio. Hæc.

Hactenus ille. Qui res illorum aliquando perspexerit, appositam admodum comparationem Polybium scripsisse videbit. Verum ad motus factionum reprimendos est redeundum. Illi certe ob tam diversas partes & sententias non poterant aliter quam monarchia, aut uno capite, quod tam disparia regeret membra, componi. Omnium ergo consensu, & præcipue popularium, ob vitæ insignem integritatem, quodque gravationi populari nunquam consensisset, Solon est ad hoc munus delectus: quam provinciam periculi plenam, ancipitisque exitus, homo integerrimus suscipere his verbis renuit. Dum tyrannidem in patriam exercere refugio, dum vim mortalium nemini infero, quum lædere quod mihi aut minuere possit honorem, nil admisi, sic videor mihi facile omnibus

bus absque tyrannide superior.
hæc Plutarchus. Quum vero
rideretur à multis quod illam
renuisset dignitatem, quam ple-
rique favore, precibus, atque
amplissimis muneribus ambi-
rent, subiunxit:

Οὐκ ἔφη σόλων βαδύφρων ἐδὲ
βελείης ἀνὴρ.

Ε'θλὰ γὰρ θεὸς διδόντω, αὐτὸς
ἐκ ἐδέξατο.

Περὶ βαλὼν δ' ἄγρην ἀγαθεῖς,
ὅς κ' ἔσπασε μέγας δίκτυον.

Θυμῷ δ' ἁμαρτῶν καὶ φρενῶν
ἀποσφαλεῖς.

Non est Solon magna prudentia
aut consilio homo. bona enim
Deus quum dedisset, is non ac-
cepit: intuensque, & prædam
miratus, non traxit ampla præda
refertum rete, animi & mentis
inops. Quanvis tamen monar-
chiam recusarit, noluit despera-
tæ pleneque deploratæ reipub.
deesse: verum, qua arte valebar
pluri-

plurimum, consilio prudentia-
 que illam levavit, primumque
 σφάχθαι, id est oneris quo te-
 nuiores à potentioribus preme-
 bantur, excussione excogita-
 vit. vox illa ἐκ τοῦ σφάξαι τὸ ἄχθος,
 id est ab excutiendo onere dicta
 est. Per eam æs alienum à pau-
 peribus ad oppignerata usque
 servituti corpora factum, disso-
 lutum est. Sanxit vero ne lice-
 ret ulli ob usuras ius in corpus
 habere. Multi credunt illam
 σφάχθαι fuisse debitorum
 omnium recisionem. unde illi
 quibuscum legem illam ante-
 quam promulgaretur commu-
 nicasset, dicti sunt χεῖροσπιδαι,
 id est æris alieni recisores, quod
 maximum fecerant à quo de le-
 ge sancienda audiverant. Ha-
 buere vero id nominis, quod
 nulli amplius fecissent, quodque
 in legis & creditorum fraudem.
 Volunt alij, ut tenuiori fortuna
 ho-

homines possent ære alieno liberari, auxisse per sisachthian pecuniæ percussæ precium: ut quod antea septuaginta drachmis mutabatur, idem centum minis postea æstimaretur: & secundum vetustam rationem persolverent. At neutra ratione videtur per se sine altera tolerabilis. fuisset enim *ῥεῖων πῆ*, id est alieni æris recisio, creditoribus tam ingrata, quâ grata & optanda pauperibus: unde illud non extinguere sed alere incendium fuisset. Incrementum vero minarum adiectarum non potuisset satis esse tenuioribus ad persolvendum. unde utrumque una instituisse credi par est, ut divitiibus cresceret, quod à pauperibus recuperare per legem non poterant. Ipse vero primum ut legem à se incipere cæteris legislatoribus ostenderet, de suo sex talenta auri, quæ quadragintaquinque

quinque millia aureorum nostratum proxime reddunt, remisit. Sub ipso autem rerum innovandarum tempore (solet enim omnis mutatio vel utilissima, ægre admitti) lex lata non statim placuit (divites enim secum inique actum contendebant: pauperes Attici agri more Laconico expectabant) tempore tamen procedente, & perspecta pace ex sanctione comparata, usque adeo omnium est iudicio probata, ut sacra instituerent si-
 sachthiæ nomine. Paulatim ergo compositis rebus, cavendum more medici optimi statuit, ne rursus in eandem calamitatem incideret, compositis singulis pro cuiusque dignitate membris. Primum itaque populi censum æstimandum duxit, ut quisque pro suarum facultatum modo (si adesset vitæ innocentia) dignitatem in Rep. assequi posset,
 nul-

nulla habita plebeii aut patricii
 ratione : id tamen præcavendo,
 ne ulli potentiorum qui tunc in
 magistratu essent , invito se ab-
 dicare liceret. Facile itaque hoc
 temperamento summos imis
 coniunxit, & ediverſo. nec enim
 antea licebat plebeio magistra-
 tum administrare. Quatuor er-
 go ex census ratione , populi
 partes fecit, *πενταγοσιονεδίμνους*,
ἑπταῖς vel *τετραγοσιονεδίμνους*,
διδυίῃς, & *διήκας*. Modiis quin-
 gentis censebantur primæ di-
 gnitatis. Modium vero de solo
 in quo possis modium ferere,
 dici Varro his verbis ait : Iuge-
 rum , quod quadratos duos
 actus habet. Actus quadratus,
 qui & latus est pedes 120 , lon-
 gus totidem: is modius & mina
 latine dicitur. Medimna Cicero
 vocare solet, quorum in quoli-
 bet feri ut mensura Parisiorum
 sex modii solent. Is erat primus
 census

census. hi erant post senatorii ordinis viros primo in honore. Patricii autem solebant in ἐπισημοῦς ἐπιταρχίας eligi antequam Ariopagiticus senatus à Solone institueretur. Munus pentacosio-medimnorum erat, quum urgebat necessitas, aliquid reipublicæ conferre pro rerum usu: quos statim sequebantur eodem in munere secundi, trecentis censi modiis, dicti ἑπτακῆς, quod & equos domi per facultates alere possent, & tempore belli ἑπτακῆς persolvere, id est quantum homini & equo in annum alendo sat esset. Bini idem ζευγίς, quasi dicas mutuo iuncti, quia per facultates unus non poterat, præstare solebant. unus itaque illorum censebatur circiter 150. medimnis. Aristoteles in Solonis institutis, quæ in Politicorum libris describit, horum non meminit. Opificum, cerdonum,

C pro-

proletariorumque loco erant
 θήνη, nec aliud reip. pendebant
 quam numulum, qui ab illis
 θηνην vocabatur. Fuisse vero
 proletariorum, vocis arguit ra-
 tio. Nam θήσω prisco pro ποι-
 σω, id est faciam, edam, dice-
 bant: unde παῖδες ποιήτων, id est,
 prolis procreatores sunt dicti.
 Θητών alioqui significatio, mer-
 cenariorum nomen est. Nullum
 ius illis assequendi magistratus
 erat, quandiu census tenuitas
 eos in infimo contineret ordine.
 Hoc itaque pacto Solon consti-
 tutis veluti in certamine ad
 quos singuli contenderent fini-
 bus, morbo laborantem remp.
 reddidit sanam. Ut enim natura
 sapientissima magistra, quum
 videt aliquid à se compositum
 ita vehementer omnes intende-
 re nervos, ut loco fœlicitatis &
 boni, ad quod omnia tendunt,
 sibi infœlicitatem suapte inge-
 nio

nio comparet, aut illud idem partium simul agentium inæqualitate sese conficere: sapientissima inquam traducit aut rem aut rei partem vitio intentam ad aliquod institutum, ubi relicta prisca contentione adolescat finem consequendo propositum: sic sapienti legum instauratori est faciendum: qua potissimum industria usus est Solon. Ut vero probandarum legum fieret maior potestas, imponens & patriciis & plebeiis illis, dum pollicetur tabularum stabilitatem, his Attici agri ex æquo, ut dixi, divisionem, omnium consensu, antequam rogaretur lex, probata, utrisq; imposuit: quod suo maximo bono esse cum omnes cognovissent, usque adeo gratam habuere, ut sacrorum memoria illam consecrarent immortalitati. quibus compositis, ubi omnia ex animi senten-

36 DE REPUBLICA
ria evenisse vidit, protulit hæc
carmina:

Δήμω μὲ γὰρ ἴδωκε τόσσον κράτος
ὅσον ἐπαρκεῖ,

Τιμῆς ἔτ' ἀφελῶν ἔτ' ἐπορεζά-
μεν.

Οἱ δ' εἶχον δυνάμιν καὶ χρημάτων
ἦσαν ἀγῆστοι,

Καὶ τοῖς ἐφρασάμεν μηδὲν ἀδίκους
εἶχεν.

Εἴτιν δ' ἀμφιβαλὼν κρατερὸν σά-
κας ἀμφοτέρωσι

Νικᾶν δ' ὅσον εἶας' ἐδιδέργεσθαι
καί.

Nunc populo quantum satis est,
permissa potestas,

Detractus nulli est, estve nega-
tus honos.

Viribus atque opibus qui nomina
clara ferebant,

Hos vetui & tennes quæ minus
aqua pati.

Me obiciens scuti in morem, quod
servet utrosque;

Nen-

*Neutra permisi vincere parte
nefas.*

C A P. I I.

*De tribubus, & alijs populi
patribus.*

RESTITUTA populo pace, nobis de tribubus dicendum altius repetita origine videtur. Solent fere omnes populi, nationes, urbesque, ut inquit Livius, suas consecrare origines, à claris scilicet hominibus, aut ab illis quos rudis & rerum ignara vetustas, mundiue adolescentia in deorum reposuit numerum, nomina sibi imponentes. ita alii Iovem (cuius vocabulum ex veteris testamenti vocabulo יהוה factum ab ethnicis est) Martem alii, Mercurium, Pallada, Vulcanum, & huiusmodi portentosa deorum vitio nobilium monstra, ad maiorem virtutis & antiqui-

tiquitatis opinionem, suarum
 urbium aut gentis authores,
 instauratores vendicant. Athe-
 nienſes ergo quum non vide-
 rentur ſibi ſatis una ἀθῶνα, id
 eſt, Palladenobiles, variis etiam
 ſui populi partibus, quas tribus
 dicunt, nomina ab eponymis
 dedere. Erant vero ἡρώωνες,
 heroës, primi ſcilicet illi quos
 ſuprema hominum memoria
 noverat, qui virtutis ergo ſta-
 tuas Athenis habebat, habue-
 rantve in eo Athenarum loco
 qui non longe à buleuterio
 quingentorum virorum erat: ut
 illis ſtatuis tam virtutis per me-
 moriam præmium illis referri
 cognoſceretur, quam incitaren-
 tur omnes his exemplis ad vir-
 tutem. Primum itaque fuere
 quatuor tribus. Una à Cecro-
 pe priſco (nam ſi Pauſaniæ cre-
 dimus, fuere duo) dicta Cecro-
 pis eſt: altera ἀρχαία, id eſt,
 indi-

indigena peculiari gentis vocabulo. Tertiā Actæus ἀκταίου dixit. Quartæ à maris vicinia nomen fuit παραλία. quibus vocibus antiquatis, Cranaus quatuor diversas indidit, Crannain à se, Atthida, Diacrin & Mesogæan. Altera vocabulo gentis, Diacris à summo loco urbis (sunt enim Athenæ in colle sitæ) Mesogæa à media parte vocata est. Ut autem mater adulterium tegeret, Iovem patrē habuisse creditus est Erichthonius: qui ut patri falso credito gratiam referre simularet, abrogatis his, à diis vocabulo imposuit quatuor. διάδα itaque primam à Iove dixit, alteram ἀθηναίαδα à Minerva, sequentem ἠφαιστίαδα à Vulcano illic summopere coli solito nominavit: quartæ à Neptuno ποσειδωνία nomen fuit. Inde unaquaque harum in tres partes (quas ita

à tribus, non à tribuendo ut putant dictas novimus) divisa, numerus ad 12. pervenit. Nomen Græcum est, etymi argumento. *τρίτῳ* enim vocant *ἀπὸ τῶν τριῶν*, id est, à tribus, ut Latini primum etiam à ternaria populi partitione in Tatiensem, Lucerem, & Rhamnensem facta. Hæ duodecim partes tertiæ durare ad tempora usque Alcæonis 660. annis, aut circiter. Iste oraculi Apollinis responso 10. tribus à principibus qui ante illum regnaverant majori fama, nominavit. Cecropis à Cecrope, Erechtheis ab Erechthæo dicta, Ægeis, Pandionis, Acamantis, Leontis, Oeneis, Hippothoontis, Antiochis, Æātis: quibus adiectæ sunt Antigonias & Demetrias, ut 12. numerum complerent: quæ ipsæ singulæ (ut pridem quatuor) in tres partes divisæ reddebant sex & tri-

& triginta tribuum numerum:
 quas Romani una minus sunt
 imitati. Vnde patet non tantum
 legum, sed & divisionis populi
 Attici exemplo usos fuisse. Ista
 quam magni sint momenti, in
 rebus reipub. Atticæ perpen-
 dendis postea videbitur. A qui-
 bus porro principibus, tribus
 nomina sumpsisserent, illi 12. epo-
 nymi dicebantur, quos nescio
 an vocet duodecim Athenien-
 sium deos Herodotus in Erato,
 quoniam idem author quum
 aliquot nomina illorum ibidem
 adscripsisset, in Euterpe ait 12.
 deos primum in Ægypto cul-
 tos, indeque in Italiam porta-
 tos, habuisse Pisis aram com-
 munem, quæ *ἑωδενος θεῶν βῶμνος*,
 id est, XII. deorum ara voca-
 batur. Reges vero deos vocari,
 quod aut regnarent quadā equi-
 tate, aut aliquando regnavis-
 sent, mihi præter copiosam am-

42 DE REPUBLICA

plissimamque tam Græcæ quam barbaræ historiæ fidem author est primo Politicorum Aristoteles. Unde & deos & reges potuisse vocari constat, & illos *xxiiii.* deos fuisse. *xii.* Ægyptos advectos, totidemque Atticæ reges. Pausanias in Atticis ubi de Eponymis dicit se adferre sententiam Herodoti de illis, tamen longe diversis nominibus & summa ab illo id facit. Pauciores enim *12.* adfert, iisque Attalum, Ptolemæum, atque Hadrianum cuius tempore scribebat, addit. usque adeo gloriæ ardor, & popularium blandimenta valebant, valentque, ubi in aliquam opinionis partem procubuit ambitio. Sed de Eponymo magistratu suo loco. Cognito populo, illiusque partibus explicatis, nunc ad magistratuum narrationem est veniendum.

CAP.

Quomodo eligerentur magistratus Athenis.

TRIPLEX fuit eligendorum magistratuum ratio: fors, popolare suffragium, stemmatum claritas. Primam rationem Græci κλήρον, alteram ἐξουσίαν, id est, manuum extensionem (quæ in sublime à populo dum aliquem probaret, fieri solebat) tertiam αἵρεσιν vocant, id est, electionem. Sorte sortitove deligebantur in eo loco quem Græci eam ob rem κληρωτήριον dicunt, quicumque iudicandi fungerentur officio: quomodo dux & singuli fere magistratus Venetorum eligi solent. Illam vero rationem amplissime suo loco tradam. Senatus ille qui Athenis ita eligebatur, ἰββαλὴ τῷ πεντακσίῳ, id est, consiliorum D. virum dici solebat.

Popu-

44 DE REPUBLICA

Populari suffragio duces, tribuni militum, rei bellicæ & maritimæ præfecti suo munere fungebantur. Quibus suum munus concedebat propter opes & nobilitatem electio, illi erant ~~χορηγοί~~, id est, Choragi in ludis sacris & sacrificiis: quo in munere liberalitatem summam exercebant, impensas proprio ære & facultatibus suppeditantes. Hi erant numero x. quo in honore se fuisse Demosthenes in oratione adversus Mediā ostendit. His tribus generibus omnia reipubl. vincula constare abunde pater. Ab iniuriis enim domesticis, vicinorum, exterorumque, ius dicendo iudices defendunt, fines conservat & auget miles, religio expiat animos. Nunc quo se ordine singulæ dignitates offerent eas describam, ab Ariopagitis exordium ducendo.

CAP.

De Ariopagitarum Senatu.

ET literarum omnium memoria, & sua æquitate severitateque longe celeberrimus est habitus senatus Ariopagiticus, quem Graeci τὸν ἐν ἀρείῳ πόντῳ τῶν ἀριστοκρατῶν βουλὴν appellant. Ut maximo honore erat, ita numero civium non parvo quanvis incerto constabat. Incertus numerus inde procedebat, quod ex novem Thesmothetis, de quibus suo loco, solerent in eum ordinem annuo magistratu statim defuncti, reddita totius anteaetæ vitæ apud Logistas ratione, quidā cooptari. Accessuri Logistæ, qui à publicis rationibus magistratus erāt, nomen præconi edebant, proclamareque his verbis iuebant: Quis vult talem tali & tali functum magistratu de anteaetæ vitæ

vita^e accusare facinoribus? Qua proclamatione quivis, modo probando esset, accusator admitterebatur. verum ista in Logistis melius. Illa severa quidem certe admodum ratio paucos reperiebat usque adeo omni nota carentes, ut innocentia freti augerent eum ordinem. Qui vel sordium (quæ res alioqui plerisque satis familiaris videtur, cum si ad victus rationem munerum illa receptio pertineat, iudicibus lege sit permissa) vel favoris vel admissi criminis notâ inustam semel habuisse probatur, is nunquã in tam inviolabile consortium admitterebatur. Et ne ullus fraudi locus relinqueretur, sub dio palam præsentique populi totius corona illa ratio coram senatu putabatur. Quotannis itaque illa ipsa ex Thesmothetis plures eximens, & numerum relinquebat incertum,

tum, & deteriora in hac mortalitate longe melioribus superiora esse ostendebat. Lectus ille ordo ac institutus à Solone antiquata *ἰσχυρῶς* severitate legitur. Erant enim ante Solonis instituta *στ. Εφητæ*, id est, præfecti, qui de capitalibus causis ac fur-
tis sententiam (quod ante illos regis fuerat officium) ferebant. Istorum ergo nomine Solon præsentem senatum constituit, summæ in Rep. authoritatis: qui non solum de capitalibus causis ius dicebat, verum de quibuscumque gravioribus, nõ secus quam olim iudicum decuriæ sortito & subsortito à prætore apud Romanos *defectæ*: & hodie in Gallia primum de criminalibus supprætores, secundo de vi illata: ac supremus in summis curiis senatus tam primum quam ex provocatione cognoscit. Quum vero causæ postulabat gravitas,
Ario-

Ariopagitis addebantur ex cæteris magistratibus non pauci veluti subadiuvæ, quemadmodum in delegatis à supremo senatu causis hodie fieri est in usu. Si magistratus novi eligerentur aut instituerentur, si reip. gratia aliquid quod ad omnes æque pertineret, in deliberationem proponeretur, si lis sæpius ob ambiguitatem dilata se offerret, cogeatur illa iudicium multitudo, ex qua quæri non liceret: vocabulo vero Attico cœtus ille ἡ σύγκλητος βουλὴ, aut συνεκκλησία, id est, congregatio universorum dicebatur. Porro Ariopagitarum magistratum dicere Græci consueverant ἀδιόκλητον & ἀδιάδοχον, id est, perennem, & vicissitudinis expertem, ad cæterarum scilicet dignitatum discrimen, quod illæ certis temporis periodis exui & deponi sole-

solerent, is nunquam. Quavis autem sine ullo discrimine omnia nefaria publice vindicarent, tamen peculiaris erat illorum cognitio de veneficiis, incendio, cæde, & vulneribus consulto atque extra primum animi motum illatis, deque insidiarum aut proditionis in patriam molitione (quæ res in populari statu, par est læsæ maiestati in monarchia) & plurimis aliis. Mos vero iudicandi illorum, quantum litterarum monumentis est proditum, talis fuit. Statuto reo, aut accusato pro reo, post primam quæstionem testibus & coniecturis atque probationibus adornatam (nam alioqui accusare non licebat nisi talionis pœna) statim sententia ferebatur, nec in multum tempus differri solebat: ut fere solet Venetiis fieri apud decemviros: ubi tamen prius ab

D advo-

advocatoribus & quadraginta viris criminalibus accusationes sunt prolatae. Nolo multorum iudicum criminalium negligentiam hic sæpius expertam attingere, quum ipsa se satis aperiat. Non licebat Ariopagitis ad misericordiam flecti. In hoc enim cum severitate ἰφειτῶν conveniebant, quod pari poena par delictum mulctabatur. Id vero sacro sanctum veluti ac summum in ipsis laudat Aristoteles principio rethorices, dum ait, ἅπαντες γὰρ, οἱ μὲν οἰοῖται δεῖν ἕτοιμα τὰς νόμους ἀπαρτύνειν, οἱ δὲ καὶ κραῶν) καὶ πωλύουσιν ἕξω τὴν πράγαν λέγειν, καὶ δάπερ καὶ ἐν ἀρείῳ πάγῳ ὁρτῶς τὸ νομίζοντες. quorum verborum sententiam paucis admodum & elegantissime Quintilianus 6. instit. orat. appendit. Athenis, inquit (quo nomine Ariopagum intelligebat) affectus movere, etiam per præconem prohibe-

ATHENIENSIVM. SI

hibebatur orator. Hoc etiam illis
fuit cum Decemviris Venetis
commune: nunc etiam incipit &
in nostris summis curiis esse fa-
miliare. Noverunt enim sena-
tores clarissimi longo rerum usu
edocti, nil esse quod rhetorum &
causidicorum eloquentia versu-
tiave non possit everti, inque di-
versum trahi, ita ut ex summa
æquitate summam iniuriam, &
ediverfo, procreare videantur, si
semel auditorum, aut iudicum
animos in suam sententiam tra-
duxerint. qua peste etsi hodie ca-
reant curiæ nostræ, tamen longe
crudelius monstrum domi ale-
bant causidici quidam opiniones
doctorum opinionibus adden-
do, diversasque iuris scripti in
æqui bonique everfionem alle-
gando, &, si nihil aliud, curiam
ipsam occupando ne adversarii
causã intelligat: donec tu Poyet-
te Cancellarie æquissime. illis ne-

bulonibus præscribendum regia
 sanctione curasti : ne quid adfer-
 rent allegationis in simplici re-
 rum narratione , pariter in quæ-
 stionibus & probationibus , ve-
 tuisti. Verum ad institutum re-
 deo. Tanta erat Ariopagitis in
 iudicando fides & integritas , ut
 si quis etiam scelestus admodum
 creditus , post causam apud illos
 dictam evaderet impune , nulla
 eum vis , nulla autoritas posset
 de ea causa appellare. Nulla illic
 erroris propositio, nulla secunda
 senatus occupatio locum habe-
 bat. Forma iudicii talis fuit. Con-
 iecto in vincula reo (finge de cæ-
 de agi) per præcones & apparito-
 res vocabantur interfecti homi-
 nis necessarii , domestici , paren-
 tes, amici: quorum arbitrio (quod
 hodie iudicii æquitate fit) de pœ-
 na statuebatur, ferebaturque sen-
 tentia secundum accepti ratio-
 nem : qui mos hodie quia est
 Turcis

Turcis in usu , à me referri amplius potest. Cadhi, quod nomen apud Arabes iudicem significat, comprehenso reo homicida, curat statim sisti parentes perempti: & si illi defint, necessarios, aut illos ad quos ex illius vita utilitas pervenire poterat. Alioqui si defint illi , nomine principis & legum , more procuratoris aut advocati regii, iuris scripti & talionis pœna punit. Rogat præsentes utrum malint hominem talione an multa puniri, ferturq; pro illorum voto , si tamen modum non excedat, sententia. Æstimant hominē solidum sexaginta asprorum millibus : quæ summa ad nostram pecuniam æstimata mille & ducentos aureos nummos reddit. Nam asprum genus argenteæ monetæ est nostro Caroleo nummo pene par. Id æris cōpensat mortis damnum. Dimidiū , hominis dimidii loco adiucatur.

catur. Dimidius homo est, cui pes, manus, oculus, aut præcipuæ partis corporis usus deest. Paris proportionis ratio in corporibus aut inutilioribus partibus observatur. Verum ista compensatio ideo rarius fit, quod non statim, flagrantique ut aiunt delicto possunt una sisti reus & affines. Pupillis, mutis, linguaque impedita hominibus succurrit prætor in rebus pro conditione æstimandis. morte itaq; aut multa reum illorum nomine mulctat. Ariopagitarum ut erat maxima in iudicando diligentia & sedulitas, ita rarius id muneris infrequentiusque subibant. Singulis enim mensibus tribus tantum diebus iudicabant, quinto, quarto, tertio Cal. cuiuslibet: qui dies ita Græce dicti sunt, τετάρτη φθίνουσα, ἡμέτη φθίνουσα, δευτέρα φθίνουσα, id est, quarta, tertia, secunda decrescantis & iam finien-

tis

tis mensis. nam Græcos Calendis
carere vel parœmia docet. Præte-
rea non coibant , nisi ob rerum
necessitatem fieret ἡ σύγκλητος
βελή, id est , indictivum confi-
lium : cuius conditio quod ad
magnum numerum attinet, non
est absimilis magnis Venetorum
comitiis , singulis octonis diebus
semel ad magistratus deligendos
tantum cogi solitis. De hoc senat-
u, multisque aliis cum Romanis
& Gallis tum Atticis scripsit
utriusque linguæ instauratæ lu-
men G. Budæus in annot. primis
in Pandect. l. ultima de senat.
cuius sententiam etsi ex ipsis unde
illā desumpsit auctoribus possem
adscribere, ne quid prætermis-
se videar, paucis adferam. Ait itaq;
ex Luciani verbis , iudicia noctu
& silentio in Ariopaga tractari
solita: primum, ne dicentis ratio-
nem ullam apud se haberent, qui
rem nudam sineque proœmio &

personarum ratione audire vel-
 lent : alterum, ne interruptioni-
 bus inter disputandum fieri soli-
 tis, se interpellarent, atque sen-
 tentia dimoverent. Inde nata est
 parœmia, ἀριόπαγίτης σιζανώπι-
 γος, Ariopagita subtricientior, dici
 solita de prudentibus & taciturnis
 viris. Nec vero una tantum
 fuit taciturnitatis ratio. nam &
 reum præterea attentius respon-
 dentem audiebant, & iudicio-
 rum secreta nunquam evulgare
 solebant : tabellaresque edebant
 sententias, ne ex maioribus au-
 thoritatis ætatis aut eruditionis
 viri, qui prior sententiam dixif-
 set, præiudicio ab opinione sua
 discederent, aut (quod multi so-
 lent hodie) ad idem, responde-
 rent. Cum illis in tabellari sen-
 tentia convenit fere omnibus
 Venetis magistratibus, ea de cau-
 sa quam supra attuli: cum x. viris
 autem capitalibus, ne prodeant
 in

in vulgum aut sententiæ , aut secreta iudiciorum : utrisque optimo iure sane. Illorum authoritas enim nunquam potest imminui, dum arecta illorum nunquam rescindi aut calumniari, contemnite ab cæteris magistratibus, aut etiam à plebeiis possunt, quare quæ in rep. pestis oriri deterior possit , non video : omnia enim pessum eunt , quum semel aut negligi legum & magistratuum vis cœperit , sensimque iugum infringi cœptum excutitur. Itaque meo iudicio non deberent illi magistratus à quibus non est provocatio , tam temere evulgare sententias, ne arbitrio vitiligatorum illic antinomix pleraque reperiantur. Post Græcorum sententias videndum quid Latini de Ariopagitis scripserint. Valerius Maximus de illis ita scriptum reliquit. Eiusdem urbis (de Atheniensibus proximo capite D , egerat)

egerat) & sacrosanctissimum consilium Ariopagus quid quisque Atheniensium ageret, aut quonam quæstu sustentaretur, diligentissime inquirere solebat: ut homines honestatem, memores vitæ rationem reddendam esse, sequerentur. Eadem bonos cives corona decorandi primo consuetudinem introduxit. nam & virtuti (uberrimum alimentum est honos &c. Quum istud ita habere sit scriptoribus comperit, credendum est, quo tempore non iudicabant, id perquirere solitos. Ut ut sit, certum est insigni quadam prudentia & pene divina fuisse, quod Cicero accerrimi iudicii homo illum senatum cum mundi rectore Deo potius comparatum voluerit, quam Romanum. Ait enim. Negare hunc mundum providentia regi, idem est ac si quis dicat Athenas sine Ariopagitis regi consilio. Quod ait Plinius

Plinius naturalis historiæ septimo, primum capitis iudicium actum in Ariopago, mihi non videtur rationi consentaneum. Ex omnibus enim Græcis authoribus liquet Solonem hunc magistratum instituisse quod iam docui) quasi ad severitatis ephe-
tῶν moderationem. Atqui Draconem, qui hos instituerat, longe Solonem præcessisse constat, tamque severas leges in improbos statuisse, ut pœna capitali vel quodlibet holusculi furtum plecteretur: unde dici vulgo solebat, Draconem non atramento sed sanguine humano leges scripsisse. At quis credat fieri posse sub tali legum severitate, tanto tempore tot improbis in repub. perpetuo agentibus, ut omnibus seculis sit verum dictum poëtæ, τὰ χεῖρονα νόμοις, deteriora vincunt, neminem improbitatis dedisse pœnas? Fieri sane non potest. Quod si quis
con-

contendat Plinium intelligere in Ariopago, id est, Athenis, aut suprema litterarum memoria: primum quidem esse verum vix poterit, quum ante ullum Græcorum imperium, iam florentissimæ res Persarum, Assyriorum, Indorum, Ægyptiorum, Syrorumque ipsa vetustate collapsæ fuissent, quæ sine facinorosorum pœna regnare tandiu non potuissent. Alterum non arguit verum fuisse etsi scripserit nemo, cuius saltem extent scripta. Quanvis enim literæ ipsæ præclarorum facinorum iuxta hominum memoriam sint conservatrices, tamen non statim est credendum, si quid aut nulla hominum memoria, aut nullis litterarum monumentis est celebratum, id protinus non fuisse: nec si quid ignoras, id propterea minus in rerum est natura: nec, ut inquit Lyricus,

-Sola

*-Sola comptos arsit adulteri
crines Helena-*

Et paulo post,

*Vixere fortes ante Agamemnona
multi-*

Pauloque mox,

*Paulum sepulta distat inertia
celata virtus-*

Itaque nulla in parte vero consentanea dixisse videtur Plinius: quod etsi illi in hoc loco inque multis aliis contigerit ; non est mirandum , quum vir senatoriæ dignitatis, inque Reip. muneribus occupatus , succisivis horis vix posset quot excerpfit describere. Hanc vero sententiam lectori excutiendam relinquens, ad alia transeo. De huius senatus dignitate sunt omnia apud aucthores plena : verum una oratio Demosthenis in Aristocratem, hunc satis aperiet : quæ quia amplissime quæ iam tradidi explicat , ad illam lectorem remitto, quum

quum alioqui nil fit à me in illo
describendo prætermisum.

CAP. V.

De nomothetis.

NOMOTHETΩ Nomina
plura Græci dignitatum ge-
nera intelligunt: quæ mihi prius
aperienda videntur, quam ad rem
de qua sum dicturus, veniam.
Tres olim nomothetas apud A-
thenienses fuisse authore Suida
reperio: Draconem, Solonem,
Æschylon, non quidem illum
poësi celebrem, sed quendam
alium Athenis natum, non usque
adeo apud authores celebratum.
Secundo νομοθέται legislatores
quicunque sunt. Verum ut ad
rem facit vocabulum, præcipue
intelligebant Athenienses unum
ad mille selectos cives, quibus le-
gum antiquandarum fiebat pote-
stas quum non viderentur am-
plius ex Reip. usu, ac præterea il-
larum

larum examinandarum quæ aut emendandæ , aut immutandæ, aut demum sancierendæ viderentur. Est enim legibus humano consilio natis , quemadmodum & rebus naturalibus , etsi paulo obscurior, nostræque mortalitati minus cognita , vetustas : quam ubi sensere , usus consuetudine aut desuetudine aut abrogandæ aut emendandę sunt: quod ipsum (nisi ubi iure scripto ut vocant, id est cæsareo sive civile utuntur) in civili Romanorum patet. Nam bona pars de servitutibus, de servis, noxa, iure personarum, hæreditatis varia distributione , & infinitis aliis tractationibus agit, quæ in Gallia (ubi præcipue ius civile , quod consuetudines vocant , atque regia & curiarum placita locum habent) ut parum est in usu, nisi ut à simili iudicando, ita partim explodendam censerem , ut tempus illud quod studio

diosi iuris in illam infumunt, daretur iuri civili, postquam quæ nobis sunt in præcipuo usu, diligenter didicerint. Nobis propositi nomothetæ ius tantum habebant referendi coram populo toto probarentne an improba-
rent leges, plebiscitaque. nec enim poterat ulla rogatio probari, rataque haberi, quin universi magistratus nomothetis subscripsissent. Hi etiam iudicandis gravioribus causis solebant interesse, eorumque sententiæ si non pareret aut actor aut reus, tribus drachmis præsentente archonte multabatur. Hæc est Pollucis sententia. Verum Budæus ex Demosthene paulo aliter latiusque explicat quomodo illæ leges sole-
rent proponi. eius ideo verba adscribam. Solonem commemorat Demosthenes inter alia cum legibus suis hoc quoque instituisse, quum lex aliqua ad populum fer-
retur,

retur , ut à legislatore primum recitaretur, deinde in loco maxime celebri totius urbis maximeque conspicuo proscriberetur, ad tertiam concionem usque, (non aliteratq; leges Romæ trinundino die promulgari solitas Macrobio referente novimus) inde scribæ ut daretur palam pro concione legenda : ut si cuiquam quid non placuisset , in medium id proferret : & si ea tum quoque populo placuisset, ita demum nomothetæ daretur postremū probanda, qui uti eam probasset, improbassetue ita ferretur, antiquareturve. Ipsi autē nomothetæ ex iudicum numero deligebantur, ut eam operam populo iurati ipsi navarent. Hæc Budæus : cuius comparatio ut planior fiat, locū Macrobiani adfero. Rutilius (ait) scribit, Romanos instituisse nundinas: ut octo quidem diebus rustici opus facerent , nono autem

E die

die intermisso rure, ad mercatum
legesque Romam accipiendas ve-
nient, ut & scita atque consulta
frequentiore populo referrentur,
quæ trinundino die proposita, à
singulis atque universis facile no-
scebantur: unde etiam mostra-
ctus ut leges trinundino die pro-
mulgarentur. Hactenus Macro-
bius.

CAP. VI.

*De legum conservatoribus, Græ-
ci νομοφύλακες dicunt.*

DIFFEREBANT à nomo-
thetis νομοφύλακες, quibus à
legibus servandis ut nomen ita &
officium erat. Frustra enim fuif-
sent à nomothetis leges explora-
tæ probatæque nisi, præscripti il-
larum sit usus, secundumque eas
iudicaretur: quod nomophylaces
ut fieret curabāt. Cicero libro de
legibus tertio, illorum officium
diligenter explicat; Græci hoc di-
ligentius,

ligentius, ait, apud quos *νομοφύλακες* creantur: nec ii solū literas (nam id quidem etiam apud maiores nostros erat) sed etiam facta hominum observabant, ad legesque revocabant. Hæc Cic. Secundo dignitatis gradu erant Athenis *νομοφύλακες* ut qui *πρόεδροι* (quorum nomen à primis sedibus quas illi ante cæteros habebant, deductum est) assiderent, strophio quodam lineo (quali honoris gratia dux Venetiarum hodie ornatur) capite redimiti. tantus erat honos priscis incolumitatis reipublicæ conservatoribus, tantum legum studium. Idē enim est nullas habere leges, & multas quidem scriptas habere, nullis vero uti. Cæterum is ordo legi solebat ex ipsis Ariopagitis: illorumque præstantissimi etiam hanc curam legum habebant sciendarum, tuendarumque: quod erat sacrosanctum munus. Nil

enim vetat, homines in uno constitutos ordine, dum aut ab officio quandoque respirando supersedent, aut quum causa vehementior urget, vario tempore variis aliis muneribus in Republica fungi: quod in supremis Galliæ curiis maxime patet. Illarum enim partes quædam, quæ ad capitales causas ab inferioribus, aliæ quæ ad rerum actionem sunt constituta, perpendentes, approbant, vel reprobant: itaque rata habetur sententia. pars indicativa concilia, alii peculiarem quandam causarum cognitionem (commissiones vulgo, & relationes litium vocant) statutis temporibus, alii rationes rerum fiscaliû, & alia sexcenta officia subeunt, quum tamen unum sint corpus, & curiæ Præsides Consiliarii que dicantur. Antiqui vero non usq; adeo rerum longo usu edocti, nec adeo periti quomodo unus
idem-

idemque magistratus multis variisque rebus præesse posset, varios deligebant ordines ad singula, quæ ab uno hodie fiunt senatu. Non sunt his ab similes quadragintaviri causarum capitalium apud Venetos. Nam de criminibus & causa integra & ex provocatione cognoscunt, legumque maiestati cum VI. viris lex regionum urbis (vocant vulgo sextariam) præfectis præfunt, præsentemque ac arbitro sententiarum Duce de illis statuunt. In hoc vero differunt, quod sunt illorum in rebus capitalibus sententiæ Decemviris ex provocatione obnoxia. Præterea si quid in Ducem, Rempublicam, religionem, inque naturæ perniciem cuiusmodi est cinædica fœditas) admissum est, statim id vindicant Decemviri. Legibus conservandis, pariter & idoneis iudiciis in singulas provincias &

loca deligendis præsumt apud Turcas duo viri magna corona doctorum & bonorum virorum septi (Cadilescher vocant) primæ authoritatis, prudentiæ & scientiæ viri, quibus iudices coguntur rationes reddere, inque sententia parere quum quicquam male iudicaverint. Provocationes enim apud illos & fiunt, & ab ipsa suprema curia quam divam appellant, remittuntur. Quum vero casus ratio postulat, tunc uterque senatus de illo cognoscit & iudicat præside uno quatuor Bassadum, præsentibus vero omnibus primæ authoritatis viris. Hi ordines id officii explent quod apud nos Cancellarius, qui revera solus νομόφυλαξ, id est, legum vindex dici potest. Cogit enim, veluti in corpore animus, omnes iudices & magistratus secundum leges æquique & boni præscriptum iudicare : & si quis
 contra

contra fecerit , aut pœnam ipse decernit , aut cum summo Galliaë consilio re agitata , præmiis digna refert quicumque legum maiestatem imminuerit. Ediverso tui in Remp. animi beneficio Poyete , quotquot ipsa virtus ad magistratus potest evehere dignitatem , non favoribus , non sordibus , non demum secundum ambitionem , (quæ res non pauca ante tua tempora præclara ingenia deiecit) sed infracto animo evehis promoveisque : quod etsi illorum qui ante te in illo fuerunt officio , munus : tamen re ipsa apparet te plura virtuti biennio nondum exacto dedisse , quam tota patrum memoria ullus Cancellarius fecerit. De dignitate vero Cancellaria , & cæteris Galliaë magistratibus alias. Unum vero addam , quod Cancellario & nomothetis atque νομοφύλαξι convenit , ob vitæ integritatem esse

72 DE REPUBLICA
in perpetua dignitate, quoad vita
& æquitas comes fuerit.

C A P. VII.

De quingentis viris.

OΙ πεντακῆσιοι , quingenti
viri, nomine ordinis nume-
rum aperientes , tam dignitate,
fama, quam officio , secundum
post Ariopagitas locum obtinue-
re: quorum apud Græcos autho-
res ita frequens est mentio , ut
nulla plane causa, nulla oratio il-
los non celebret. Hi enim civi-
lia munera , rerumque actiones,
de quibus quotidie popularibus
iis oboritnr , iudicare solebant.
Tempore functionis ab Ariopa-
gitis ita differebant , quod hi
erant διάδοχοι , permutatorii , id
est, quotannis sorte eligi soliti: il-
li erant δὲ λυμενεῖς καὶ ἀδιάδοχοι. ut
iam ante dixi. Erant hi quo tem-
pore iudicabant , quo in munere
sunt prætores & suppreſecti, quos
bail-

baillivos aut locum tenentes civilem dicimus. Annuo vero spatio tantum eam dignitatem habebant, ne (quod nimis crebro in locis non paucis experimento videtur) sordes, atque cæteræ quæ inter iudicandum possunt evenire corruptelæ, beneficio prorogatæ dignitatis tegerentur alerenturque Magnus vero numerus faciebat (quod ea de re servatur in curiis quas parlamenteas vocant) ne facile quid vitii in consortium irreperer. Verum quia tanta multitudo una & in uno posita loco vix potuisset sua exequi munera, in decem partes dividi solebant secundum tribuum numerum: quibus singulis quinquaginta viri ex eo numero obtingebant, suoque loco triginta & quinque dierum spatio ius dicere consueverant. Is vero dierum numerus decies repetitus annum lunarem trecentis &

E s quin-

quinquaginta diebus constan-
 tem, qualem Athenis observare
 solebant, reddit. Noster vero so-
 laris illum diebus quindecim &
 quadrante superat. Propter item
 copiosam multitudinem ex illis
 quinquaginta. x. eligebant, quos
προέδρες, id est, præsides (ut dixi)
 nominabant: ex quibus ipsis tan-
 tum septem, per singulos scilicet
 dies hebdomadis, sortito elige-
 bantur. Quo die quisque rebus
 præerat, arcis conservabat claves,
 dicebaturque *ὁ ἐπιστάτης*, præsides,
 & *τὰς κλεῖς τῆ ἀποπόλειως πρεσ-
 τείς*, cui arcis claves credebantur.
 Verum de his paulo post. Quum
 quinquagenarius numerus suo
 officio fungeretur, vocabatur
 iam mutato nomine prytania,
 aut, *οἱ πρυτανεῖς*, tanquam à fre-
 quentiori cura *ἐπιμενεῖν τὸν
 πόρον*, recondendi & servandi
 frumenti in publicam necessita-
 tem. Non desunt qui dictos *ἀπὸ*

τὰ πρὸς τὰς ἐπὶ τοῖς ἑσπερίαις velint : τὰ πρὸς τὰς ἑσπερίαις

vero pecunias publicas esse, quas actor & reus etiam post iusiurandum de calumnia (in quo fidei bonæ anchoram ut præscripto legum ponimus, ita omnino parum fidei esse videbant) in ærarium publicum deponere cogebantur: ut qui causa caderet, disceret etiam oppignerata atq; deposita, nec temere iudicis aures occupare, nec litem iniuste incipere, aut alterum iniuria in ius rapere. Licebat enim cuilibet, adversarium, advocato teste, qui asfereret in ius vocatum venire noluisse, in ius rapere atque trahere nolentem, non modo Athenis, sed & Romæ. Athenis vero pecunia deposita, loco testis erat apud Romanos vocari soliti. Proculdubio mea quidem sententia, si præter iusiurandum de calumnia, multa quædam pro litis ratione deponeretur, ab actore

re

re præcipue, & ex illo ærario satisfieret iudicibus iustis in causis versantibus, ad hæc inde desumeretur nomine tenuiorum, qui potius perderent suum contra potentiores ius, quam summam deponere possent lite dignam, ut temeritas debilitati consuleret: tolleretur maximum fomentum litium. Quis enim credat ut vel pili faciat sacramentum, qui proximi vitæ, fortunis, famæ demum moliri insidias non erubescit? Verum parum viderer cosulere multis sanguisugis, litiumque alumniis. Redeo itaque ad meos Prytanes, quos ἀνὶ τῷ πρυτανείῳ, id est, à sportula dictos ostendi. Illa pecunia depositis cumulata, iudicibus persolvendis, & illis quibus meriti in rempublicam & virtutis ergo victus dabatur, alendis serviebat. τὸ πρὸς τὰν αἰσῶν crebro minabantur fœneratores debitoribus se in æra-

ærarium deposituros , ubi plus tempore non poterant amplius petere , ut scilicet miseri debitor-
res ære alieno obruti , cum non possent statim esse solvendo , co-
gerentur augere fœnus. Huius rei fidem facit Aristophanes in Nehalis, his verbis:

Θήσω πρὺτανας, ἢ μηκέτι ζῶλω ἐγώ.
*Moriar ni te in ius depositis pry-
tanis voco.* verba sunt fœnerato-
ris ad obæratum. Singulari au-
tem voce tantum τὸ πρὺτανειον
locus erat in quo iudiciorum
causa coibant prytanes , unde
nomen. Præterea ubi de Rep.
benemeriti diligenter & cole-
bantur & alebantur. Maximum
hunc honorem in rep. fuisse, Cic.
primo de oratore testis est locu-
pletissimus , ubi de Socrate agit
his verbis. Erat enim Athenis reo
damnato , si fraus capitalis non
esset , quasi pœnæ æstimatio. ea
sententia quum iudicibus dare-
tur,

tur, interrogabatur reus quam
 quasi æstimationem comme-
 ruisse se maxime confiteretur:
 quod quum interrogatus Socra-
 tes esset, respondit se meruisse ut
 amplissimis honoribus & præ-
 miis decoraretur, & ut ei victus
 quotidianus in prytaneo publice
 præberetur, qui honos apud
 Græcos maximus haberetur.
 Hæc Cicero. Hic ordo solebat
 edicta, decreta, psephismata (ut
 Græca voce Cicero dicit) plebi-
 scitaque omnia explorare, ac de
 legibus perperam latis senten-
 tiam ferre. alioqui enim sine illa
 providentia facile imperitæ plebi
 fuisset impositum. plebs enim
 non raro ea rogat, & probata cu-
 pit, quæ manifesto in eius ruant
 perniciem, nisi consilio & pru-
 dentia coërceatur. Primum ita-
 que populares pro rerum suarum
 usu edicta proponebant, quæ sta-
 tim ab L. viris perpenſa Thesmo-
 thetis

thetis dabantur , ut iam docui:
 qui si probassent , incumberebat
 opus nomophylacibus ut procla-
 mari & servari curarent. Erat
 in illum gravissima actio , qui ex
 populari consensu solum proba-
 tam legem, ratam asseruisset , &
 in loco probatarum adscripsisset,
 dicebaturque *παράνομον γράφειν*,
 id est, perperam latae legis actio:
 ille qui accusabatur *οὐ παράνομον*
ψήφισμα γράψας, qui iniquum
 & præter morem decretum
 scripserit , qualiter fecisse An-
 drotationem & Aristocratem, elo-
 quentissimis orationibus mon-
 strat Demosthenes. Verum de
 hac rescripsi iam in tit. de actio-
 nibus. Ab hoc civili & quot-
 annis mutari solito magistra-
 tu, fasti dies , bellorum tempo-
 ra , fœdera , legationes , roga-
 tiones , edicta promulgata , &
 in summa ad privata usque,
 quaecunque rationem tempo-
 ris

ris habebant adnexam , suppurari & scribi solebant, veluti apud Romanos à Consulibus, hac forma, ἐπὶ ἄρχοντι & πολυκλείας, μὲν δὲ βοηθομίων & ἑκτη ἐπὶ δέκα, φύλης πεντακλίσσης πανδιονίδες , Δημοσθένης παιανεύς ἔγραψε ψήφισμα. Principe Polycle, mensis Iulii decimasexta, tribu Pandionide iudices reip. exhibente , Demosthenes Pæaneus decretum tulit. Qui hic nominabatur, erat ἄρχων, de quo suo loco: quæ tribus adfertur, illa est cuius 50. viri ex quingentis sumpti Remp. tunc moderantur. Cæteri Græci ab Olympiadibus, Mosolami à Muhamede, nos à Christo , Judæi à mundi exordio , & quæque gens fere à capite persuasionis rationes init temporum. Ad alia nunc transirem, nisi horum iudicum officium me admoneret quadraginta civilium causarum iudicum apud Venetos : qui ut magis

magis innotescant, paucis Reip.
præstantissimæ morem indicio-
rum exponere visum est. Ter
quadraginta viri, non ita tamen
magnæ authoritatis nobiles, eli-
guntur ita, ut 24. mensibus tam
capitalibus quam civilibus præ-
sint, hoc modo. Primi quadragin-
ta novi causis exterorum & pere-
grinorum, quorum ingens Vene-
tiis multitudo agit, octonis illis
mensibus præsent veluti loco ty-
rocinii: post quod tempus urba-
nis de rebus, substitutis in locum
aliis, iudicant. In primo vero lo-
co, ordo ille consilium novum,
in secundo vetus, aut, ut vulgo,
quadraginta civiles, dici solet.
Iam exactis in duobus illis sede-
cim mensibus, veluti probati,
committuntur capitalibus causis
iudicandis, loco civilium XL. vi-
ri criminales dicti. Eam vero di-
gnitatē tunc assequuntur, quan-
vis sint ut plurimum iuniores, ut

in senatum admittantur, iusque suffragii etiam habeant in causis gravioribus. Ad hæc Triumviri ex illis in binos menses eliguntur sortito, qui præterquam quod ius suffragii habent, etiam Duci, qui magnus est honos, sua quisque vicissitudine assidere potest: parique cum ipso autoritate de rebus ipsis tam ad senatum quam ad magnum consilium potest referre. Forma vero iudicandi & in civilibus & in capitalibus causis ferme una est. Suffragiis enim fit, quod olim Romanis in usu fuit. Veneti enim causa ultro citroque agitata, habent tres diverso colore urnulas, in quarum unam condemnationis, in alteram absolutionis, in tertiam dilationis amplioris discussionis gratia, globuli linei demittuntur, ita ut nemo possit ex præiudicio alterius favori dare locum, nec etiam ex suffragii decidentis
in

A T H E N I E N S I V M. 8;

in urnam sono. Extracta suffragia imponunt causis finem. Romani non calculis aut fabis globulisve, sed duabus literis condemnabant aut absolvebant: duabus non liquere significabant. A, ut notavit Asconius Pedianus, salutatis erat litera, absolvi que reum petebat, C. tristis, condemnabat. N. L, non liquere notabat. In capitalibus causis à Græcorum usu Θ literam, qua Θάνατον, id est mortem significant, accepisse etiam Romanos, nigrumque theta appellasse, literarum monumentis reperio. Verū ad mea me recipio.

C A P. V I I I.

De Arbitris.

QUIA causarū civilium maior numerus quotidie oboriebatur, quam quibus terminandis, & novis audiendis satis essent quinquaginta viri tribuum: ut hic succurreretur, quadraginta quatuor

tuor *Διαιτῆς*, id est, arbitri eligebatur, partim sorte, partim electione. Nam sexagesimum annum excessisse illos oportebat, & non infimæ esse notæ, sed insigni probitate viros: quamobrem eligi solebant: inque locum constitutum bona pars constituebantur, ubi à litigatoribus possent statim conveniri. Sic vero adibantur. Actor & reus ex composito quosvis deligebant ex eo numero, ea lege, ut si lis apud illos contestata inceptaque esset. necesse esset, ut & apud Romanos, illic terminari: alioqui multabatur qui sententiæ illorum non paruisset. Succurrebatur vero læso, duplici remedio. Nam & illi iudicii causam reddebant, & ex appellatione poterat adiri *Ἀγρῆς*, iudex civilis, causæque succurrere. Hæc Demosthenis ex oratione *Ἀπὸ δέου*, sententia est. Budæus paulo latius explicat

cat ex Polluce quot arbitrorum
 essent genera. *Οἱ καὶ ἀίρεσιν*
 electi, erant quos litigatores sibi
 deligere poterant, quibus con-
 troversiae rationes explicatas cre-
 derent. *κατ' ἐπιτροπῇ τ' αἰτίας*,
 per causae permissionem. Alii ve-
 ro *κληρονομίαι*, id est, sortito electi
 ex magistratuum decuriis, non
 veniebant pro litigantium arbi-
 trario, sed sortito privatis causis
 deligebantur ex iudicum decu-
 riis, non secus quam olim apud
 Romanos ex iudicum decuriis
 praetor ordinabat, hodieque in
 curiis Galliae viris consularibus
 fit, non quidem ut iudicent, sed
 ut exacte perpenſa lite, & eius ap-
 pendicibus, senatui iudicaturō
 referant. Hæc sententia facile
 confirmari potest ex loco oratio-
 nis Demosthenis in Aphobum,
 quem expilatae hæreditaris accu-
 ſat. Locus ita habet. Ad arbi-
 trum igitur sorte datum quum

venisset Aphobus, obiectaque diluere non posset, damnatus est ab arbitro. Iudices porro ad quos provocaverat, quum causam cognovissent, eadem ipsi cum arbitris compromissariis etiam illius amicis, cunque ipso sorte dato arbitro pronunciantes, litem homini decem talentis aestimarunt. Compromissarios arbitros ius civile vocat, ob pecuniam ab actore deponi veluti communi periculo & consensu solitam, quam qui causa cadebat, solvere cogebatur. Antequam à sorte digredior, quia deest hodie in Gallia exemplum suffragiorum & sortis (nisi quod quidam doctores nos in fortibus exempla in suis bianchis, ut aiunt, docent) volo paucis præstantissimæ nostris temporibus pro sua magnitudine Reip. modum sortium exponere. Ea Veneta est, aristocra-
tia

tia & monarchia ita temperata, ut nec magistratus summi sine Ducis præsentia sententiaque, nec vicissim ille quicquam propria ausit potentia statuere, adeo ut ne progredi quidem tuto tempore belli in medium possit sine capitis periculo, nisi sex viros regionum ut minimum comites habeat. Nostræ Galliæ administrationi, quæ etsi lumine literarū diu caruit, tamen longe dignitate, scientia, prudentia demum summa, cæterisque rebus quæ ad magnitudinem faciunt Reipublicæ, est omnibus facile superior, quicquam detractum nolo: quin ipsam olim, nisi me aliquis præverteret, illustratam memoriæ posteritatis commendare decrevi. Sed ad fabas, calculos, sortesque venio. Octavo quoque die comitia adire tota nobilitas annum ætatis vice simum prætergressa solet, nec

tamen omnes sine discrimine ante 25. annos (nisi qui fortis, quam quotannis apud senatum à xx. anno in xxv. tentant beneficio id assequuntur) adire possunt Qui vero debeant eligi ante 25. ætatis annum, asserta prius præfente utroque parente aut affine proximo cum testibus idoneis sua ab utroque parente nobilitate, die xiv. Decembris conveniunt, eorumque nomina in urnam coniiciuntur: demum altera urna pari numero habet tot pilulas, quot adsunt iuvenes. Sunt vero globuli argentei omnes præter quintam partem, quæ aurea est. Dum itaque educitur à principe nomen quodcunque, educitur & fors. si argentea, reiiicitur in proximum annum. si aurea, probatur, consortioque consilii magni aggregatur. Consilium ergo illud in patentissima aula coactum, omnia suffragiis
tacitis

tacitis magistratuum & dignita-
 tum genera deligit. Ubi tota
 convenit nobilitas, audita statim
 hora solita clauduntur fores : nec
 licet ulli ante comitiorum fi-
 nem , qui occasu solis fit , exire.
 Occlusis autem foribus , scriba
 maior è suggestu , ut omnes au-
 dire possint, significat qui illo die
 magistratus sint eligendi. Sedent
 omnes in decem sedibus longissi-
 mis , nisi qui sunt aut comitio-
 rum præsides , aut qui Duci in
 suggestu, si adsit sedenti, dignita-
 tis ergo assidere solent. Locantur
 demum urnæ tres ante Ducis
 tribunal : una in dextra parte, al-
 tera in sinistra, tertia paulo subli-
 mius in medio duarum : quibus
 ipsis consiliarii tres assident, qui-
 bus veluti censoribus extracti
 globuli aurei qui ex urnis edu-
 cuntur, ostendi solent, ne scilicet
 quisquam posset per ambitio-
 nem afferre domo. Præterea sin-

gulis comitiis solet signum in ipsis mutari sortibus, veluti militaris tessera : ne si idem semper maneret signum, posset confingi ab ambitioso cive. In duabus primis urnis sunt tanta copia argenteæ pilulæ, ut possint numero civium satis esse. in singulis triginta tantum aureæ. in illa quæ media est, sexaginta tantum sunt, quarum aureæ sunt triginta & sex tantum. Vocatis secundum sortem ad sortes subselliis quatuor classibus distinctis, veniunt singillatim ad urnas : in quas quemque demissâ manu inde globulum extrahere moris est. qui autem argenteum tulerit, redit in sedem frustratus : qui aureum, ostendens assidenti urnæ consiliario, transit ad mediam : ex qua si argenteum educat, spe luditur. qui utramque sphæram aureâ habet, is ex electoribus est : qui singulis ex quatuor classibus

nove-

noveni eliguntur : electi vero conscendunt suggestum, illicque scriba nominantur, ac statim in conclave (prius tamen in Reip. verba iurati, se sine ambitione, fraude aut favore electuros viros bonos magistratibusq; idoneos) statim concedunt, electuri & nominaturi, suffragiis inter se etiam agitatis, viros in singulos magistratus. Idem faciunt & alii novem, tertii item & quarti ad triginta sex usque, tamen ea lege, ne sint usquam plures duobus ex eadem gentilitate electores. Itaque ubi primus electorum numerus est selectus, omnes eiusdem gentis affines exire coguntur, & ita secundi tertii & quarti, quoad electio electorum sit absoluta. Singuli itaque novem singulis nominatis magistratibus aut præfecturis singulos deligunt, ita ut in maioribus dignitatibus sint semper quatuor com-
petito-

petitores, in minimis duo. quibus expletis, produnt nomina, ut in suffragia eatur, & qui plura tulerit, eligatur. Nolo interim omittere, quod præclarum illic est, electorem unumquemque, eius quem nominaverit, si eligatur beneficio suffragiorum, fideiussorem esse, & si quid pecuniæ publicæ averterit, præstare debere. Nominatis competitoribus, statim omnes parentes illius cuius nomine primo in suffragia itur, excedere aula coguntur, quoad suffragia sint lata. tum revocatis illis alii vicissim exeunt sequentis affines, & sic ad ultimum usque. Præterea observant ex suggestu, unde prospici in totam aulam possit, ne quis qui parentem iam forte electum intellexerit, capret ullum aut signis, aut colloquio: quod qui admiserit, ambitus notatus, expellitur, honoreque suffragandi eo die

die caret. nec enim licet ulli à quo lecti electores sunt, nisi exire generis causa iussus sit, se loco semel accepto movere. Id quidem aliquando, non tamen sine magno tædio, novi, quum adhiberet illic à patriciis viris, qui me & honoris & discendi eos mores gratia illuc crebro ducebant, ab hora fere prima pomeridiana, qua comitia occluduntur, ad occasum usque solis retineri illic tandiu moleste ferens. Interea dum electores sunt in conclavia, viatores lineorum suffragiorum cuique nobilium quantum potest pugillo capere, dant, inque magnum, moreque illorum brachiale amplum factum demittunt. Pueri vero statim adsunt cum urnulis bina concavitate, anteriori alba probandi, posteriore viridi reprobandi, ita tectis, ut per foramen immissa in illas manu suffragium in utramvis demittas

mittas, in scio etiam qui te diligenter observet, edito sæpius illius cuius suffragia petunt nomine, quibusque in magistratibus fuerit, si aliquos gessit: statimque omnia suffragia à tota corona accepta, in duo vasa demittunt, quorum unum de si, pro albo scilicet urnulæ ventre, alterum de non, vulgo dicunt, id est probandi & improbandi, ex quibus illico supputantur mira arte & facili. Habet enim scriba tabulam certo foraminum numero semper foratam, super quam globulorum vis effusa statim spargitur, ductaque manu in superficie, quot sunt extra numerum ablegat. Itaque fere pari celeritate ingens numerus, atque ipsa unitas supputatur: dum numerant consiliarii candida à dextris, viridia à sinistris. interim pueri redeunt aliorum competitorum nomine, donec quatuor exple-

expleantur : quorum qui plura
 tulerit , modo dimidia excedant
 (nam si pares sint , differuntur
 comitia) is in magistratu est.
 Pariter in cæteris fit quandiu du-
 rat dies. nam nox adveniens
 usque adeo comitia solvit, ut ne
 lucernam quidem usquam ac-
 cendere liceat. Hæ suffragio-
 rum leges , hi ritus. Græcis
 fabæ albæ & nigræ erant in
 usu magistratuum eligendorum,
 loco pilularum auri & argen-
 ti. Ne vero fraus subesset, ha-
 bebant & legumina suas tesse-
 ras. Verum de sortibus satis me
 dixisse , ut rem illam literis e-
 lucidarem , credo. Parum ad-
 modum à Diætetis nostris diffe-
 rebant *ῥητοὶ* (inquisitores vo-
 cabuli & officii ratione non
 male Latine dixeris) quorum
 Iulius Pollux ait fuisse officium,
 ut res & causas quarum natu-
 ra status nondum constaret ,
 explo-

explorarent, adque senatum verum ipsum referrent: quo in officio quotidie leguntur apud nos commissarii, ut vocant: suntque ordinarii in causis facinorosis apud iudices tam capitales quam rerum civilium. Habemus & nostros inquisitores in singulis provinciis, qui testes audire possunt ubi ius habent, litesque præparare iudicibus offerendas: etiam si non provocent partes, sententiam ut pedanæi iudices de minimis dicere possunt. Verum monuit me Pollux ne suam de arbitris sententiam prætermitterem. *Ἀγῶνται*, inquit, arbitri supra annos sexaginta nati sorte eligebantur, quibus etiam sortito *αἱ* *Ἀγῶνται*, id est, arbitria commitbantur. Admissorum vero ad hanc dignitatem si quis suo munere aliquid indignum commisisset, ille aut gravi pro delicti æstimatione multa plectebatur, aut

aut summo cum dedecore de illo
 cœtu eiici solebat , exiliarique:
 ut nil sit mirum illos tanta æqui-
 tate , ac constantia fuisse, quos si
 non virtus cohibere , vitii pœna
 terrere posset. Omnia itaque iu-
 dicia de rebus sacris apud illos
 veluti sanctissimos tractabantur.
 Primam vero de diis rationem
 perpetuo, seu in vera, seu in falsa
 religione habitam fuisse omni-
 bus gentibus, constat. In rebus
 porro civilibus causam eos non
 potuisse dicere ultra æstimatio-
 nem drachmarum decem, scribit
 etiam Pollux alio in loco, quam
 vere, ipse viderit. Quumque ab
 se causas ad alios iudices trans-
 ferrent, coniectis in urnam pro
 sententia calculis, acta proferen-
 da tam actoris quam rei apud
 illos designabant: accepta tamen
 in litis principio ab actore drach-
 ma , quam causa inferior solve-
 bat. Ea drachma *δίαυρος*, id est,
 G diffi-

diffidium dicebatur, inque rationem ærarii publici referebatur: postquam alteram, qui causa cadebat, dare cogebatur. Hæc Pollux. Verum Latini quoque varia significatione Græcæ dictionis diætæ utuntur: primumque ea rationem quandam tenuioris victus, aut à medicis, aut ipsa conditione valetudinis ægrotis præscriptam significat: quod Cic. ad Atticum docet. Sed ego, ait, diætā curari incipio: chirurgiæ tædet. Diætā alias locum significat in domo, in quo versari solemus frequentius, aut in horto, in quo expatiari moris est, atque æstare cœnare. locus domesticus ille alioqui non male Latine cœnatio appellabitur. Diætarius servus inde dictus est, quod illic menses ornare, & ministrare mensis sole-ret. Ulpianus Tit. de fundo instructo, L. Quæsitum, versus finem,

nem, meminit. Ostiarii autem, air, topiarii, diætarii domitarum deservientes, continebuntur. Quam egregie explicet topiarios Accursius, videant qui illi in omnibus applaudunt. Topiarii, inquit, sunt qui vepribus, & spinis agrum purgant, & faciunt fossas. Pro iis qui locorum varietatem exprimendo (nam *ἀπὸ τόπων*, id est, à loco dicti sunt) imagines rerum omnium ex arbuſtis fruticibus, & herbis effingebant, statim somniavit novum officii genus. Nolo omittere diætarium furem, qui ex diætis aliquid surripuiſſet: cuius idem iuriſconſultus Tit. de effraCTOR. L. munerum, meminit his verbis. Simili modo ſaccularii, diætarii erant puniendi, item & effraCTORES. Vetera exempla habebant detrectarios, dignum in quo ſomniaret vocabulo Accursius Adeo fuit olim crebrum il-

lud furum genus , ut tenuioris fortunæ homines cogerentur apud plerosq; divites indumenta pro foribus relinquere, si vellent admitti : quod in Atheniensibus taxat Aristophanes in Pluto.

ἀλλ' ἐχὶ φωρεῖσθαι ἔγωγε εἰσέρχουμυ.

Nonne furaturus huc venio?

Nunc autem à diætariis ad nauticeros eo.

C A P. I X.

De Trierarchis.

NON pro celebriori dignitate, sed pro maiori numero nunc τριῆραρχει. i. *triremium præfecti* mihi sunt tractandi, eo potissimum nomine, quod spem salutis non raro in re navali Athenienses posuerint. Numerum aucthores non præfiniunt, quoniam pro rei necessitate augebatur, aut minuebatur. Unum id tradunt,

com-

ATHENIENSIVM. IOI

communiter duodenos id muneris una obire solitos : quibus pacis tempore fartum tectum navale præstare incumbibat, belli vero etiam parere ducibus, & aliis præfectis: qua in re Veneti etiam imperatorem creant absolutæ, & veluti Tribunitiæ potestatis, quibus in locis classis conducta fuerit. In civitate enim eo iure utitur. Trierachorum, seu navarchorum, aut nauclerorum (nam pro eodem usurpare has tres voces Græci solent, quanvis prima ab imperio triremium, altera navium, tertia à sorte navium dicatur) erat præterea munus, ut propriis opibus, & impensis in Respubl. collatis naves, triemesque curarent, & refici, & construi. Ad hæc præmonebant principes senatores urbis si quid in re nautica esset unde Respubl. in discrimen posset adduci, si per illorum curam suppleri non poterat. Re-

vera is ordo non magistratus (quanvis quidam Græci id tradant) sed coactus ad contributiones civium numerus videtur: qui etiam hodie à Venetis legi ex mercatorum, & sellulariorum, atque viliorum numero ingruente necessitate solet, non ut ministrent aliquid, sed una ars, aut duæ unius triremis impensas persolvant: unde maxima auri vis cogitur. Ærarium vero popolare non modicum est in multis locis, quas scholas vocant, ubi sub Iohanne, & Paulo, Antonio, Diva Virgine, religiosi civium, & plebeiorum cœtus fiunt. Hoc officii genus sensim labefactatum emendavit Demosthenes, lege in illos lata qui eligerentur ad hoc munus: quod cum alibi, tum potissimum patet in oratione contra Æschinem: Videte, inquit, viri Athenienses, in Republ. administranda quor vobis

vobis commoda attulerim
quum viderem navale vestrum
labefactatum, atque divites col-
lato modico ære à tributis im-
munes, eos vero qui mediocres,
aut fere nullas haberent posses-
siones, rem familiarem in eo ab-
sumere, indeque vestram Remp.
longe deteriori conditione fie-
ri: legem tuli per quam divites
quidem pro census æstimatione
conferre coëgi quæ iure debeant,
pauperes vero ab iniuria vindica-
vi. & paulo post clarius multo
aperit. Prima legum constitu-
tione sedecim una triremis unius
impensis satisfacere solebant,
ipsis quidem divitibus nil, aut
parum instrumentibus, egenos ve-
ros cives opprimentibus: Lege
vero mea statutum est, unum-
quemque pro ratione faculta-
tum numerare: tumque visus est
qui primum decimam partem
impensarum triremis unius sup-

peditabat , posse duabus in solidum satisfacere. Unde antea non trierarchos se vocari volebant, sed contributores, Oratio eiusdem authoris in Androtionem fere tota est in hoc negotio declarando. Verum præter illa, quæ iam scripsi, nil est diversi, nisi quod solerent Prytanes corona aurea donari bene administrata re navali: qua negligentius curata, etiam si diligentissime cæteras officii partes absolvisset, privabantur. Latini etiam Græca voce appellant Trierarchos. Cic. act. 3. in Verrem, ubi de testimoniis contra illum agit, Quæ de re, ait, Charidemum Chium testimonium proprio actione dicere audivistis, sese quum esset trierarchus, & Verrem ex Asiæ decedentem, &c. Item ad senatuscons. Trebellianum. l. Seius. Seius Saturninus archigubernius, ex classe Britannica,

ATHENIENSIVM. 105
nica, testamento reliquit fiducia-
rium hæredem Valerium Maxi-
mum trierarchum, à quo petiit
ut filius, &c. Facile vincuntur
Athenienses à Venetis. Verum
præter Novemviros, qui armis,
funibus, & navali præsunt, nil
mihi scribendum reliquit Gaspar
Contarenius Cardinalis patri-
cius Venetus. ita ample, & ele-
ganter illius partes descripsit, ut
vinci arte nequeat. De Tur-
carum autem apparatu mariti-
mo copiose egi in nostra Turci-
ca Historia. quare ad cætera
veniendum.

C A P. X.

De undecimviris.

UNDECIMVIROS Græco
vocabulo τὲς ἐνδὲκα dici so-
litos, quos etiam νομοφύλακες,
atque ἡγάρχοι, id est, præsides,
G s hūn-

106 DE REPUBLICA
nuncupabant , ex Polluce constat. Decemviri, inquit, singuli à singulis tribubus eligi solebant , quorum numerum augebat *ῥαμματίς* , hoc est, scriba. Horum erat officium fures convincere , atque carcere iam delictos iudicare : præterea plagiarios , quos *ἀνδροποδιστὰς* dicunt , & item grassatores , indumentorumque suppilatores , qui Græce *λῳποδύται* dicuntur convictos pœna afficere. Quod si apud illos deprehensi crimen diffiterentur, eos ad aliorum iudicum subsellia sistebant : apud quos si tormentis , aut testibus faterentur victi, de pœna stabant. erant itaque veluti pœnæ æstimatores , quales sunt hodie in Gallia ii, qui præpositi Marschalorum vulgo dici solent: quibus non absimiles mihi visi sunt quos Turcæ Vaivod, & Vaivodlar , numero multitudinis appellant.

lant. Possunt enim omne nebulonum genus comprehendere, & iudicibus proximis reddere: de pœna vero statuere non possunt. Tales sunt vigilum præfecti in tota Gallia, & ditione Venetorum, &, ut facile mihi persuadeo, ubivis gentium. Locus ubi hi undecim nomophylaces iudicabant, νομοφυλάκειον dicebatur: in cuius posteriori parte ostium nomine χαρώνιον erat, quo ad extremum supplicium educi solebant fontes, non secus atque in castris decumana porta à tergo erat, qua desertores, & facinorosi milites ad pœnam educebantur. Demosth. καὶ ἀεὶ συγείζουσιν illorum meminit, ὅτε γὰρ, ἔφη, τὸ δεισμοτήριον διορύξας ἀπέδρουν, τότε πρὸς γυναικὰ τινα ἔρχεται ἀνόματι ζωβίαν, ἣ ἐτύγχευεν, ὡς ἔοικε, κεχρημένον πότι, καὶ κρύπτει καὶ διασώζει τὰς πρῶτας αὐτὸν ἡμέρας, ἃς ἐζήτησεν καὶ ἐκήρυττον

εὐτίον οἱ ἑνδεκά. Quum enim
 effractis carceribus aufugit, ad
 mulierem quandam Zobiam no-
 mine divertit, qua aliquando
 usus fuerat: ea véro abscondit, &
 servat primis diebus quibus un-
 decimviri perquirebant homi-
 nem (Aristogitonem) atque per
 præcones sibi reddi satagebant.
 Ex quo loco patet statim admis-
 so crimine illos perquirere, &
 comprehendere solitos: quare
 merito notavit. Suidas hos νομο-
 φύλακας à primis differre, quod
 illi iudices, hi populares coge-
 rent secundum legum præscri-
 ptum vivere, facinorososque co-
 ãrcerent. Adferam item alium
 locum ex oratione eiusdem De-
 most. in Timocratem. εἰάν δέ τις
 ἀπαχθῇ τῷ γένεων κακώσεως ἡλωκῶς,
 ἢ ἀστρατείας, ἢ περὶ φημένων αὐτῷ
 τῷ νόμων εἰρηκῶς, εἰσιῶν ὅπη μὴ γένη,
 δεσάντων αὐτὸν οἱ ἑνδεκά, καὶ εἴτα γόν-
 ταν αὐτὸν εἰς τὴν ἡλικίαν, κατηργεί-
 τω

τω δὲ ὁ βελόρυς οἷς ἔξει. Si

quis vero denunciatur convictus iniuriæ parentibus illatæ , aut non obitæ militiæ , aut qui in ea loca in quæ legibus non licet , se receperit , illum comprehensum ligent undecimviri, sistantque in heliæa (nomen est comitii , de quo suo loco) ubi ex his quibus lege licet, qui volet accusato. Nolo hic omittere, qua arte Veneti, quum illorum Capitales magistratus non sufficerent , magna proscriptorum nebulonum , furumque turba regionem sibi subiectam liberarint. Sub finem belli quo ad Ticinum pugnatum est, multa improborum manus tam ob libertatem, quam ob impunitatem scelerum undique exercituum colluviem contrahendo Venetias ibant. Admissis itaque illic multis sceleribus quum aliquis ad pœnam perquireretur, sciens se criminis reum ab advocato-

110 DE REPUBLICA
catoribus, ut vocant, ad quadra-
ginta viros criminales delatum,
fugiensque lite peracta proscribe-
batur, ut uudique Venetiæ illis
pestibus veluti obsiderentur.
propositum est itaque præmium
proscripto, quam præsentibus re-
stibus ademptum caput alterius
proscripti offerret Reipubl. si ta-
men ille ingulasset: quo fiebat,
ut quum illorum bona pars sibi
mutuo esset nota, seipsam confi-
ceret: pauci ius civitatis repete-
rent, hique munere eo donati,
probos in posterum cives age-
rent. Si illa lege in illos nebu-
lones qui post bella insurgunt, &
furtis, stupris, cædibusque Rem-
publ. totam labefactant, animad-
verteretur, aut rusticis sua tuen-
do, illos cædendi fieret potestas
quoties improborum audacia
vim legum superat, ex usu esset
Reipublicæ.

CAP. XI.

*De Decemviris præsilibus,
qui Grace ἀγέδποι vo-
cantur.*

QUANVIS hi præsides in
quingentis viris à quibus le-
cti erant, debebant tradi veluti
una tractatione, tamen quia pri-
mum sum maiorem numerum
in magistratibus secutus, quod-
que hi sint longe celeberrimi, il-
lis particularem tractationem
servare visum est. Ex quingentis
ergo viris singulis 10. tribuum
quinguenta sorte eligebantur,
& item ex illis sortito nostri
Decemviri, penes quos singil-
latim erat Reipub. summa com-
mittenda. Verum rogaret ali-
quis, quomodo sorte possit pro
dignitate eligi, quem ipsa com-
mendat virtus? Facile, ut visum
est

est in Venetis , constitutis primum sorte electoribus qui nominarent , demum nomina in urnas coniecta cum suffragiis extraherent pro sorte tribuum, in iuvenibus ἐν τῷ ἀρχαῖῳ, id est, in diario Reipub. ob nobilitatem adscribendis. Iam dixi, electis L. ex ipsis, item deligi decem suffragiis tacitis, & fabis. quæ res quum videatur maxime sortem habere , nullum virtuti aufert præmium , imo maxime secundum eam iudicat. Ex ipsis item decem selectis, septem tantum officium præsidis assequi poterant. Itaque inter illos Decemviros omnium suffragiis electos fors ducebatur, ne ulli fieret iniuria , dum tres relinquerentur. At quia is qui erat in magistratu , dicebatur ἐπιστάτης, atque πρῶτος, præfectus & præses, omnes eo honoris vocabulo gaudebant. Id vero summo opere

mopere cavebatur , ne secundo ulli liceret in anno eodem ad hanc adspirare dignitatē. Quum esset in imperio , arcis ærarii publici claves , & Reipub. sigillum servabat : itaque iungebat duo officia quæ diversa sunt in Gallia , Cancellarii , & Maioris viri , ut vocant , in quibus urbibus est libertas , aut si desit Maior , Prætoris. Quoties autem Prytanes senatum convocabant , ille novem *πρωτοβουλοι* à novem tribubus deligebat. ab illa enim quæ prytaneusa dicebatur , cuius erat caput , nullus assumi alius solebat. Præterea ex illis novem sortito deligebat successorem , cui Reipub. habenas permetteret. In ipso porro confessu curabat ne quid in causis ommitteretur quod ad iudiciū instructionem faceret , ubi causas prius illis commisisset : quale facit aut præses quum remittit causas ordinario,

rio, aut delegato tradit. Harpocration de epistatis hæc tradit, sententiam Isæi adversus Elpagoram adferens. Duo, inquit, sunt constituti Athenis epistatæ: unus quidem ex prytanibus forte delectus, alter vero ex proedris, quorum quod sit officium, declarat Aristoteles in Atheniensium politia. vulgari vero vocis usu *ἐπιστάτης* dicitur cuicunque negotio præfectus, ut notat Hyperides. Librorum Aristotelis quos de hac Repub. scripserat, iactura, me incitavit, ut dixi in principio, ad hoc instaurandum argumentum. Verum ab epistatis ad proedros redeo. *πρόεδρος* unitatis vocabulo, tanquam totius politiæ Dux, & Princeps erat: multitudinis autem, is ordo qui cæteris præsideret magistratibus, præscribendo. quorum dignitas *πρόεδρος* dicebatur. Demosthenes in oratione *πρὸς τὸν Πρωτόκλητον*

ATHENIENSIVM. IIS

ἡμέτερος maximam lucem adfert
huic ordini : unde sententiam
eius adferre visum est. Verba
legis quam adfert, ita incipiunt,
ἐπὶ δὲ τῇ πρῶτῃ πρυτανίᾳ, καὶ τοῖς
λοιστοῖς. quæ verba appendenda
curabo. Undecima primi men-
sis die, postquam apud populum
vota præco fecerit, in suffragium
ad leges comprobandas eatur,
primum scilicet illas, quæ ad se-
natum pertinent, secundo quæ
ad plebem, postremo loco ad
perpendendas, quæ à Novemvi-
ris latæ sunt. Prima autem in suf-
fragia coitio, sit eorum, quibus
videntur probandæ, quæ ad con-
siliū, senatumve faciunt. Alte-
ra, illorum quibus improbandæ
videbuntur. Hoc vero suffra-
gium secundum legum præscri-
ptum esto. Quod si contingeret
quasdam ex his, quæ antea latæ
sunt, abrogari, prytanes qui tunc
sunt in officio, senatum de ea re

H 2 postre-

postrema comitiorum die habento. Proedri vero eius prytanæ de illis etiam sententiam dicunt. Primo quidem de his quæ ad Religionem, postea de nomothetis, quo ordine pro dignitate sedcant, demum undenam possit ipsis nomothetis pecunia ad Reipub. munia suppeditari, sanciunt. Hos autem nomothetas ex eorum ordine qui in heliæa iuraverint, sunt. (de heliæa postea dicam) Quod si prytanes secundum legum præscriptum senatum non habuerint, pariter si proedri non retulerint secundum ius, & æquum, singuli prytanes mille drachmis mulctantur, quæ in ætarium Palladis consecrantur. si proedron aliquis, idem quadraginta drachmas deæ dato. Illorum autem accusatio apud Thesmothetas fiat, pariter si æri publico obnoxius in magistratu sit, cognoscunt.

cunto. Hi vero Thesmothetæ sibi eo nomine delatos, criminis-
que convictos in carcerem con-
cludunt. Quod si id facere ne-
glexerint, infamiæ notam sub-
eunto, consortioque Ariopagiti-
co arcentor, veluti legum guber-
nationem negligentes. Ante-
quam vero de suffragiis ferendis
senatus habeatur, quicumque le-
gem rogaturus est, illam pro
eponymorum statuis proscribi-
to, adscriptis omnibus quas latas
cupit, ut pro legum proposi-
tarum numero, populus ipsis
nomothetis tempus decernat ad
leges examinandas. Qui vero
novam legem rogat, is non tan-
tum semel, sed quotidie pro epo-
nymorum statuis eam exponat,
donec habeatur senatus. Popu-
lus vero quinque viros ex omni
Atheniensium numero eligat,
qui legum patrocinium susci-
piunto. Hactenus de lege: nunc

ex eodem authore atque eadem oratione iusiurandum *ἡλιασῶν* est adscribendum, in quo etiam Græca ob tædium repetendi omittenda censui. Sententiam feram secundum legum, ac populi Atheniensis plebiscitorum, atque senatus quingentorum virorum præscriptum. Meo favore, aut suffragio, nec tyrannis, nec oligarchia in Rempub. recipietur. Nec si quis corrupto Atheniensium populo, aut statuat, aut velit contrarium, usquam in illius sententiam pedibus ibo. Tabulas novas, alienive æris recisionem, agri Attici, domorumve divisionem nunquam fieri permittam. Nullos exules revocabo, uti nec proscriptos: Ut ediverso neminem qui civitatis iure utatur, contra leges, & Atheniensis populi decreta, senatusque quingentorum authoritatem, usquam urbe eïci patiar,

nec

nec quemvis alium iniuria id facere permittam. Magistratum nullum constituam, ut possit ille qui rationes anteacti magistratus non reddiderit, fungi alio magistratu, sive ex Novemviris, sive qui sacris publicis functus sit, vel ex illis, qui cum novem principibus proedris fabis eliguntur, legatisve, aut assessoribus fuerit. (erant primariæ dignitatis hi omnes) Nec permittam bis in anno quenquam eundem magistratum gerere, nec duos in eodem anno. Nulla munera recipiam, sordesve iudicii causa sectabor, nec ipse, nec alius me conscio. Sum natus annos non minus triginta. Audiam accusatorem, & defensorem ex æquo, sine affectibus, & personarum ratione: illumque condemnabo quem merito causa cadere cognovero. Adiuro Iovem ipsum, Neptunum, Cererem, ut perni-

ciem in meipsum, meamque familiam immittant, si quid horum transgrediar. Hæc Demosthenes: in quibus maximum fuisse etiam ethnicis æquitatis studium monstrat. Postquam satis dignitas Decemvirorum, pariter & officii ratio est etiam ab eodem tradita, de comitiis ἡλιαίων nunc sum dicturus.

C A P. XII.

*De subdialibus Comitiis, quæ
Græci ἡλιαίαν dicunt,*

HἨΛΙΑΪΑ καὶ ἡλίασις, maximum Athenis tribunal erat (inquit Harpocratio) in quo publica iudicia ultro, citroque causis agitatæ tractabantur à mille, aut mille quingentis primæ notæ civibus. quingenti vero solebant uno in loco esse, mille, & quingenti in tribus. ἡλιαί-
ζεας

ζεῶς autem erat ius in eo loco
 dicere : ἡλίασις vero ipsa in iudi-
 ciis diversatio : Lyfias ἡλιαία κῆ
 ἡλιώζεω pro eodem est usus. Ha-
 ctenus Harpocrat. Interpres ve-
 ro orationis κῆ προκράτες ita de
 hac re tradit. ἡλιαία, inquit locus
 magni senatus, & iudicum mul-
 titudo ibidem ius dicentium di-
 citur. ἡλιαία autem vocatus est
 locus παρὰ τὸ ἕκαστε ἀλίζεω κῆ
 συναθροίζεω τὸ πλῆθος τὸ διηγο-
 εῖν, quod illic iudicum multitu-
 do congregari sit solita, & in
 mutato, ut crebro fit. Alii volunt
 (quæ melior esse sententia vide-
 tur) inde dictum locum, quod sit
 sub dio. ἡλιον enim, id est, solem,
 in eum radios immittere. Pollux
 ita tradit. ἡλιαία erat quidem
 uno confellu quingentorum iu-
 dicum, duobus, si mille: tribus, si
 mille quingenti. Calculos vero
 quibus in suffragiis utebantur,
 habebant duorum generum, con-

demnandi, & absolvendi : probandive , aut improbandi: solidum unum, perforatum alterum. Vas porro habebant quod *καθὼν* Græci vocant, infundibulo simile, per quod demittebantur suffragia in duas urnas, quarum altera lignea, ænea altera erat, probandi, & improbandi: de quibus cætera dicam ubi de iudiciis, aut fori locis agam. Interpres vero orationis *ἡ προκέραις* diversum habet , loco calculorum fabis uti nigris, & albis solitos, ut differrent : quemadmodum calculorum unus erat solidus, alter perforatus. unde qui *κύαραι* fabæ dicantur , *κυαρόεσσι* fabis sortiri , & magistratum deligere significat. inde etiam Pythagoram aiunt per fabarum abstinentiam , non leguminis (ut volunt) flatuosi , & cuius hilum pudenda effingat, usum prohibuisse, sed ei qui velit in pace degere , atque
for-

fortunæ ictibus non subiici, ambitiose magistratus, & dignitates non esse appetendas significavisse.

C A P. X I I I.

*De quaestoribus graia voce, ἀπο-
δέκταις vocari solitis.*

SINGULI à singulis tribubus, Decem videlicet numero, erant ἀποδέκταις, coactores, quaestoresve, quos nostrum vulgus collectores taleæ in indictionibus, receptores domini, & auxiliorum in canonibus, & oblationibus vocare solet. Alioqui peculiari vocabulo Græci, & Latini ἐγανισαί, & indictionales coactores vocant, quos patrio vocabulo collectores taleæ dicimus, sed Græcæ linguæ copia præterea συλλογισαί, & ἀγροταί, idem significantibus vocibus appellat.

ἀπο.

ὑποδέκτων munus erat acceptis à
 Republ. libellis (ut solent apud
 nos Electi quum Provinciali-
 bus , & locorum singulorum
 quæstoribus summam à rege ob
 ingruentia negocia significant
 expetendam) cogere eos qui ali-
 quid Reipub. deberent, id ut sol-
 verent, ac pro facultatum ratio-
 ne in Reipub. discrimine nume-
 rarent. Præsens aderat dum re-
 ciperent, antigrahiarius, quem
 vulgo Contrarotulatorem di-
 cunt : quumque quicquam nu-
 meraretur, in diario accepti, &
 impensi rationes omnes transcri-
 bebat: de quo postea latius. Apud
 logistas vero rationes rerum
 omnium reddebantur, nedum
 pecuniæ. Verum paucis absol-
 vens meos quæstores, statim il-
 los logistas subnectam. Si quid
 ergo reddita, & exposita ratione
 reliquatum esset, statim, quandiu
 pro re sua possent, id persolve-
 bant,

bant, atque deleta summa diario
 publico inscripta, absolvebantur.
 Quod si (ut non raro contingit)
 aliquid maioris momenti obori-
 retur unde lis posset nasci, ipsam
 ad Novemviros contestandam
 deferrebant, atque iudicatum sol-
 vi satagebant. ἀποδικτῆρες in hoc
 tantum ab illis differebant, quod
 hi tantum recipere, non item co-
 gere poterant. mitius itaque hoc
 vocabulum est : quod patet in
 eo libro qui Aristoteli sub titulo
 de mundo adscribitur : *χεῖς δὲ
 τέτων ἄλλοι καθιέκισαν πρεσόδων
 ταμίαι, καὶ στρατηγὶ πολέμον καὶ καὶ
 μσίαν, δόξαν δὲ ἀποδικτῆρες, τὰ τὰ
 λοιπῶν ἔργων ἕκαστοι καὶ τὰς χεῖρας
 ἐπιμελεῖται.* Præter eos vero
 constituti erant quæstores æra-
 rii, bellorum Duces, ac venatio-
 ni præfecti, præterea donorum
 susceptores, aliorumque operum
 pro necessitate curatores. La-
 tini illos voce paulo moderatio-
 re su-

126 DE REPUBLICA
re susceptores dixere. C. de de-
fen. civita. L. Iubemus. Iube-
mus cura, ac solertia defensorum
minime possessores maioribus
mensuris, & ponderibus à susce-
ptoribus pręgravari, sed eos de-
prehenso &c. Hęc Budęus. Pu-
to sane Iurisconsultum intellige-
re per susceptores, illos quos re-
ceptores auxiliorum dicimus,
qui aliquando cogunt res fisci
maiori mensura, aut pondere no-
mine regio persolvi, non quidem
ut regi, reive publicę profint, sed
ut sub regii nominis terrore rem
maxime augeant.

C A P. XIV.

*De logistis, quos rationum
magistros dicimus.*

ΛΟΓΙΣΤΑΙ', inquit Har-
pocraton, sunt etiam De-
cem

cem viri singuli à singulis tribubus electi, quibus omnes magistratu functos intra triginta dies, quam magistratu decessissent, oportebat rerum omnium administrationis rationem reddere, quod graeci λογίζεσθαι, & λογίζεσθαι dicunt. Aristoteles in Atheniensium politia scripserat, ut idem author scribit, illos ἀπὸ τοῦ εὐθύ-
ναν, ab euthynis, qui aliud genus rationis audiunt, differre. Assidebant ἑνὶ καὶ ἑνὶ novem principibus. repetendarumque agebant iam magistratu functos, qui æris aliquid publici avertissent. Duo, inquit Pollux, erant Athenis logistæ, unus in senatu, alter in rebus extra senatum administrandis: qui ambo à senatu eligebantur ut rerum omnium in Repub. administratarum rationes audirent. Duos credo Pollucem scripsisse pro duobus generibus, quum & cæteri authores plures scri-

scribant, & fieri non potuerit ut duo soli tot rationibus audientis satis essent. Verum duos veluti præfides possumus in eo intelligere. Id muneris in Gallia habemus præstantissimum, quod ad fisci res attinet, in eo loco Parisiis quem Cameram Computorum vulgo dicunt: ubi qui sunt summa dignitate, præfides: qui secunda, auditores: qui tertio loco, clerici computorum dici solent. Oblatos à quæstoribus libellos hi recipiunt, recitantque audientibus, & supputantibus auditoribus, hi recitant primis iudicantibus. Nec tantum rem pecuniariam in rationem deducunt, sed & quicquid olim regio censui accessit, aut decessit, notant, inque locos communes secundum annorum multitudinem collocant, ut quum opus est aut litis causa, aut aliter de publici æris rebus agere, statim

statim diarium promant, quod fidem faciat. Triumviri calculatores Venetiis sunt à publicis rationibus. Nec Turcæ eo carent magistratu. habent enim suum Barat emin, impensis præfectum, qui cum quatuor viris rationes fisci audit. Verum non ociosum fuerit ex oratione Æschinis contra Demosthenem, & Ctesiphontem officium logistarum amplius aperire. Primum quidem, ait, lex iubet sanctissimum Ariopagitarum senatum apud logistas inscribi, rationibusq; reddendis esse obnoxium. Illicque vult, o Athenienses, secundum vestræ sanctionis præscriptum, venerandi illius senatus dominum fieri Logistam. Præterea quingentos viros vult rationes magistratus sui reddere. Ita vehementer diffidit Respub. his qui rerum rationem non reddidere, ut sub ipsum statim le-

I gum

gum exordium dicat magistratum rationi reddendę obnoxium (nam *in d. d. l. v. q.* quod ait, & active, & passive capitur nempe tam pro illo qui rationem exigit, quam pro eo qui illam reddit) non debere peregre proficisci, non habere suarum rerum potestatem, non posse divis quicquam consecrare, non manumittere, non posse in summa de suis rebus quicquam statuere: sed omnes illorum facultates qui Reipub. rationes non reddiderint, oppigneratas Reipub. vult legislator. At dicet aliquis: Quidam fuit in aliquo ordine, qui nil usquam nomine publico accepit, aut expendit. Etiam hunc vult rationem reddere oportere. Verum qui poterit, qui nil habuit? Iubet lex isthuc ipsum inscribere: Nil usquam publico nomine accepi, aut expendi. Immune quidem certe rationis

nis reddendæ in civitate nil debet esse. Subiungit paulo post. oportebat te ô Demosthenes secundum patriam consuetudinem permittere ut logistarum præco proclamaret, τίς βέλτερον κατηγορεῖν? Quis vult accusare? Hæc Æschines. Cætera iam ante tradideram. Proculdubio si hæc lex tantam apud nos vim haberet, reprimerentur coactorum furta, electorum technæ, quæstorum fraudes, iudicum sordes, favores, oppressiones, si semel testes omnes admitterentur, proposita tamen falsis testibus, & accusatoribus capitis pœna. Quot enim putas misere lacertos, enecatos, spoliatos, de suo iure deturbatos, ea una de re mutire non audere, sed altum corde dolorem ægre premere, quod non est libere sine forma accusandi locus? unde innumeræ iniuriæ. At quis custodiet ipsos

custodes? Ad te æquissime Cancellarie tanquam iuris asylum nisi recurrant miseri, actum de re illorum est. Logistas, & vocabulo suo noverant Latini, rei que publicæ curatores appellabant. l. curator. C. de modo multar. Curator Reipub. (inquit Imperator) qui Græco vocabulo logista nuncupatur, mulctandi ius non habet.

C A P. X V.

De custodibus, quos Græci ἀντιγραφῆς vocant.

QUOS Græci ἀντιγραφῆς dixere, Latini cultodes, aut Græca voce, antigrahariorum appellarunt. Aderant hi observatores his de quibus proximo capite egi, rationesque omnes in diario scribebant: quod nostri facere non solent in omni administratione.

stratione publica , pecuniarum
 præcipue. Æschines κῆ κτησι-
 φωνίῳ. πρῶτον μὲν τοῖνυν ὃ ἀθροαῖον
 &c. Primum quidem ô Athe-
 nenses , suffragiis eligebatur an-
 tigrapharius urbi, qui in singulis
 Prytaniis proventuum rationes
 populo recitaret. Ulpianus Tir.
 de admi. tut. L. Si plures. Dati
 sunt , inquit , quasi observatores
 actus eius, & custodes. Suidas ait
 τὸ γραμματεῖα κὶ ἀντιγραφεία ca-
 dem significatione esse , fortasse
 iam degenerem linguam suo se-
 culo secutus. vocant enim vulga-
 ri voce τὸ γραμματικόν , scribam,
 & antigraphum Græci omnes.
 subiungit autem , primum acta
 senatus recitare solitum, alterum
 transcribere. Statim vero sui im-
 memor, palinodiam cantat. sed in
 melius meo iudicio mutata sen-
 tentia. Alterum enim ait fuisse
 in senatu , alterum in publica ad-
 ministratione observanda : quod

& rationi , & hodierno rerum
 usui apud nos est consentaneum.
 In curiis enim omnibus est scri-
 ba qui calamo celerrime à iudici-
 bus prolata excipit, quem *γραμ-
 μαρία* nominare possumus. Al-
 ter est qui singulis accepti , &
 impensi publici rationibus adest
 custos, aut antigrapheus. Verum
 & de scribis dicere ex occasione
 operæ præcium videtur. *γραμμα-
 τῆς* erant scribæ tres numero, ait
 Suidas , quos Romani à secretis
 dicunt, qui acta senatus sanctio-
 ra, transcribebant, servabantque.
 Cæteri tamen Græci volunt à
 singulis tribubus singulos fuisse:
 quod vero similis est. Nam
 qui fieri potuisset ut tam ingens
 Reipublicæ moles , populusque
 seditioni natus, tantum tres scri-
 bas haberet , quum tot essent iu-
 dicia, iudicumque ordines, qui-
 bus ipsis necessario aderant sin-
 guli? Æschines *ἡ κτησιφ.* etiam
 addit

A T H E N I E N S I V M. III
addit scribas solitos illorum nomina excipere, & servare, qui administratæ Reipub. essent rationem reddituri: & quoad reddissent, in publicis diariis conservare. quæ in re fere illis convenit cum nostris. Nulla Respub. mihi videtur illis carere potuisse, itaque nullam comparationem addere visum est.

C A P. XVI.

De quæstoribus illis quos Græci demarchos vocant.

Q U O S Græci *δημάρχους* nominant, an recte quæstores vocare debeam, an ex vi verbi tribunos pl. quum apud nostale exactorum genus inusitatum sit, nescio. Videbitur ex officio vis nominis, & propria appellatio. Scribunt multi fuisse decem numero veluti tribunos pl.

aut singularum tribuum Duces:
 de qua significatione hic non
 ago. Iulius Pollux, ait, illos in
 locum ναυκράων, ναυκλάρων, ναυ-
 αράωνve (nam hoc nomen ita di-
 versum pro re eadem apud varios
 authores est) successisse: fuisse
 vero in singulis tribubus XII.
 partes, quæ singulæ ναυκραεῖαι
 dicebantur, quibus ipsis singuli
 præerant demarchi. ναυκραεῖαι
 autem singulæ tempore belli
 duos equites, & navem unam
 suis sumptibus dare, & ornare il-
 lisque ad finem belli sumptum
 facere nomine Reipub. debe-
 bant. Erant ergo ναυκραεῖαι CXX.
 demarchi totidem, naves toti-
 dem, equites CXXI. quum belli
 ingrueret necessitas, sine illis quæ
 ab ærario publico petebantur.
 Curabant primo quæ ad ius nau-
 cratiæ pertinerent conservari,
 facta tecta; omnia haberi: unde
 quum crebro exigere, erant
 paupe-

pauperibus molestissimi, quum pro ratione soli, ædium, mercium, aut artis, solvere cogerentur. nisi enim solverent, ἐνέχοντο, id est, pignora capere, auctioneque distrahere ad summæ usque rationem poterant. Ad illas molestias popularium alludit Aristophanes in Nebulis, his verbis.

Δάκηδ' μὲ δὴ καρχὼς τις ἐν τῷ
σπρωμάτῳ.

*Aliquis, inquit, demarchus me
morder ex lecto.*

Indicat autem illa allusio κότεν, id est, cimicem, ut ait interpres, quod tenuioris fortunæ homines soleant continuis affici molestiis à coactoribus, non secus atque cimicibus noctu somnum excutientibus. Locus ille alioqui non caret ardua difficultate, quomodo Demarchus unus possit ex culcitra ad mordendum prodire. Ut autem Demarchi mi-

nori popularium iniuria corradere-
rent, describebant in singulis re-
gionibus (nec enim Athenę tantũ
Athenę fuere) atq; agri Attici Pro-
vinciis quantũ agri fertilis, steri-
lisve esset, demum quantum quis-
que possideret: (ut in illis indi-
ctionibus quas regales taleas vo-
cant, in Gallia Narbonensi fieri
solet) demum pro possessionis ra-
tione merciumque usu exige-
bant: quod an sit olim factum in
tota Gallia, nescio: id unum scio,
si fieret, electorum ars eludi pos-
set, qui à publicanis, aut diriori-
bus accepta pecunia traducunt
summas in alios pagos, aut impo-
rentiores, aut æque afflictos.
coërcerentur præterea (nisi iam
excogitasset contra illorum frau-
des sanctionem Poyetus Cancel-
larius) illi nobiles qui tenuiorum
terras obnoxias regio censui, suis
adiungunt, immunesque red-
dunt. Præterea non pauci aut
compen-

compendii , aut favoris gratia villas, & censuum omnia genera conducunt , illaque nundinatione , pecuniæ publicæ non parum avertunt. Etiam negligentia illa transcribendi soli contingit, ut qui inter ipsos paræcos sunt tenuissimi , fere omnia persolvant: divites qui alternis annis publicani solent eligi , ut summam nondum perceptam repræsentent , sibi mutuo parcunt , atque secundum proverbium , manu manum fricant : quapropter aut res fisci ad certam pecuniam æstimari , aut coactores omnium iudicio æquissimi delecti deberent perpetuo in officio esse , ne locus talionis in eos esset : aut communi popularium suffragio summa constitui illis deberet. tū enim non facile fierent solitæ iniuriæ. Verum longe amplius in secundo Reipub. Turcicæ volumine ista iam tradidi , quo remitto

mitto lectorem. Post curatam illam pecuniam quæ erat imperata, secundo officio Demarchi eos iuvenes quibus per ætatem liceret τῇ λήξει ἄρχειν, successionem, hæreditatemve administrare, ἐν δὲ ληξιαρχικῷ, in diario videlicet hæreditario, adscribebant: quæ res magnam adferebat utilitatem. Nam iunioribus, & rerum imperitis, non licebat rem domesticam, dum fingunt se velle seorsum agere, decoquere, & paternas, atque adeo frater-
nas, & avitas opes absumere. unde innumeræ lites apud nos scaturiunt, non raro, & cædes: summaque inopia multos per sce-
rum licentiam, quam in re pater-
na dissipanda didicere, ad la-
queum adigi certum est. Deinde
quoties super ætate oriebatur
contentio (quod quum alibi fre-
quenter, tum maxime in magi-
stratibus dandis, & accipiendis
erat

erat solitum contingere) diarium
ubi statim nati scribi solebant,
fidem faciebat veri. In qua et-
iam maxime Poyeti prudentiam
admirari licet, qui regiis sanctio-
nibus curavit ut parœci curio-
nes, seu vicarii singulos ad sa-
cræ intinctionem oblatos in-
fantes in parœciæ diario adscri-
berent. Tertia utilitas inde ma-
nans, erat tyronum ad rem mili-
tarem opportuna electio: ex qua
observatione hodie Turcæ, gens
alioqui non usque adeo rerum
perita, perpetuo milite abun-
dant, ultraque ccc. hominum
millia delecta semper ex iuven-
tute Græciæ habent, qua præcla-
rissimæ orbis parti imperando,
nostro capiti imminet. Sed de
his alibi commodius. Convo-
care præterea *vauxagias* suas sin-
guli demarchi in urbem ad leges
accipiendas solebant. Credide-
rim sane eam appellationem esse
depra-

depravatissimam, quum vix, ut iam dixi, inter duos authores in eo nomine conveniat: quamobrem variorum authorum sententiam adferendam de ea duxi, eamque lectori excutiendam relinquere. Demosthenes *κοτὰ πρῶκράτους* vocat *ναυκρατικά* μὴ ποτὲ, inquit, τὰ ναυκρατικὰ βέλλον φέρεται ἐπὶ τοῖς ἀθηκianoῖς. Ne forte naucratia, id est, res tribuum, melius in Atticianos procederent. Aristophanis interpretes *ναυκράτες* demarchos appellat. Demarchi, inquit, scribebant in diariis eorum nomina qui Reipub. debebant quippiam. Ad hæc libellos lexicarchicos apud se servare solebant, congregabantque populum ad leges quum opus esset accipiendas, quibus ipsis popularibus easdem offerre solebant. Aristoteles autem de Clisthene ait (scribit idem interpretes cum Harpocra-

pocratione) quod quum esset in
 summa Reipub. autoritate, fe-
 cerit eodem esse instituto De-
 marchos cum naucraris, seu nau-
 claris, qui à Solone creduntur
 primum instituti. Hi pompam
 in Panathenaicis ornare sole-
 bant. paulo mox subdit idem in-
 terpres, Est autem Demarchus
 idem qui & ἐπὶ νόμων. diversum
 à cæteris authoribus scribendo.
 verum ex vocis ratione parum
 errant. Item Asclepiades Alexan-
 drinus τῶν καὶ τὸ δῆμον ἄρχοντας
 δημόδεχες vocat. ut vero scribit
 Demetrius Phalereus, Solon ma-
 xima diligentia curavit constitui
 Demarchos, qui inter populares
 principes essent, simulque quod
 æquum, & iustum Reipub. erat,
 exigent, darentve. Hæc in-
 terpres, omnia in dubium relin-
 quens: ex quo loco illius ingenii
 curiosam ostentationem, magis
 quam acutum iudicium licet de-
 prehen-

prehendere. Harpocraton ait. Erat ναυκράτης Ægypti emporium. Si vero legamus ναυκερειαί, sunt res Principum. Nam olim τὸς ἄρχοντας. i. Principes, ναυκεῖρες appellare soliti erant, teste Herodoto in decimoquinto historiarum. Verba sunt Harpocratonis, quæ indicant, etsi Musas habemus Herodoti, tamen alia eum scripsisse quæ temporum iniuria periere.

CAP. XVII.

De quæstoribus reputandarum, quos Græci οὐδῖνες dicunt.

DECEMERANT ἑυθῶναι, alias χειρῶναι, debitorum exactores: κυβερνήται, rectores: διορθῶνται, emendatores: ἐυκωλῆσαι, directores: δικαστικοί, iudiciales: aut λογισταί, rationum magistri vocari soliti: quos qui rationes red-

reddere cogebant , atque repetundarum reos agebant, non possum alio vocabulo , quam coactorum, aut quaestorum repetundarum nominare: Hi à novem Principibus , viris in maximis, maximeque urgentibus Reipub. calamitatibus delecti, tributa popularibus augebant , debitaque omnia exigebant , unde *ῥητοῖς* dicti, non quod deberent, ut vox communiter notat, sed quod exigerent. Vox enim *ῥητοῖς* & *ῥητοῖς* licet frequenter passive capiatur , hic tamen passiva est, ut & in Græco vulgari sermone utraque voce utuntur. Illis erat numerandum Reipub. pro ratione accepti, reddita apud logistas ratione. Magistratum alioqui pedaneorum rationes audiebant, repetundarumque agebant si quis à popularibus præter æquitatem salarii quicquam accepisset. Causa perperam obitæ legationis,

K quam

quam Græci *παραπρεσβείας* dicunt, solebat apud eos dici: unde *διορδῶται* sunt vocati. *διδόνες* porro dicebantur illi à quibus rationes ab his exposcerentur: præterea *διδόνες διδόναι*, dare rationem, vel pœnam suscipere. inde illorum magistratus dici solitus *διδόνης*, quum alioqui rationem & pœnam significet ea vox. Adefse illis solebat *ἐπιγραφὸς* scriba, de quo egi: qui viritim omnium popularium nomina ederet, censusque omnium rationem promeret. Quum autem lis de re fisci apud illos oriretur, tunc sistebant reos ad maiorum iudicum subsellia, pariter & eos qui non essent, solvendo: cuius rei Isocrates contra passionem in Trapezitico dat argumentum versus finem, *ἐν τῷ παρ' ὧν ἐξευσάνηται ὧν ἐκείνων τὸ χρονον πλείους ἢ χιλίας σκετῆρας, καὶ τὰ λοιπά*. Insuper (eos, subaudi, in testimonium vocabo)

vocabo) à quibus ultra mille stateres precario accepi. ad hæc indictione nobis imperata, inscriptionibus variis factis, plus ego, & mei numeravimus, quam peregrini: mihiq; maximam collationem persolvendam duxi. Pro passione vero erat mihi opus inscriptoribus, quod dicerem illum etiam meis uti pecuniis. Hætenus Isocrates. Describebat vero is scriba cum magistratu in *σιττοδοσίαις*, id est, frumenti contributionibus, suum cuique modum, ut in publicum horreum inferretur. quam annonam qui dispensabant, *σιττομέτραι* dicebantur: qui servabant, *σιττοφύλακες*, annonæ, seu frumenti custodes. locus ubi servabatur, *γαζοφυλάκιον*. Qui undique convehendum in urbem curarent, *σιττωῖται*, frumentores, aut annonæ præfecti, *ἐκ τῶν σίτων ὠνεῖσθαι*, ab emendo frumento dici consueverant.

verant. Magistratus hi nobis passim Reipub. contemptu neglecti, admodum sunt necessarii. Eos habent summa in cura Venetiæ. Curam enim convehendi undique frumenti habent illi quos à providendo vulgo providatorios vocant : recondendi, servandi, & distribuendi Duumviri quos farinarios ea de re appellant, quod popularibus semper viliori precio iuxta eum urbis locum qui Rivus altus dicitur, distrahant, quam mercatores soleant : ut nebulonum Rempub. labefactantium, fameque encantantium avaritia coërceatur : quæ non raro apud nos mediis in urbibus, pro pudor, usque adeo invaluit, ut nonnunquam frumentum (quo in cumulum putrefacto quæ pestis possit esse terrior, non facile dixerim) ob auri sitim diutius conservatum, & tandem putrefactum, aut defodi,

au

aut in medium flumen coniici
videas, quod centies centena ho-
minum millia alere posset: & non
tantum eximi ab usu, quod per
providentiam erat à natura do-
natum, sed & elementa inde la-
befactata videmus. Habent ii-
dem & Dunmviratum annonæ
præfectum, qui curet obsonia
convehenda. At ne quis cause-
tur Venetiis tantum esse hos ma-
gistratus propter circumfufum
mare, sunt nobis exemplo apud
Turcas, quos barbariores, re-
rumque imperitos falso credi-
mus, ædiles, urbive præfecti,
quos patria lingua Sfar Emin, id
est, urbis præfectos nominant,
qui ut popularibus fit copia ory-
zæ, & frumenti, perpetuo curant,
utque viliori precio distrahatur,
neve ullum fit illarum rerum mo-
nopolium. Idem in exercitu cu-
rat Arpac Emin, hordeo quo illic
equi aluntur, præfectus, ut abun-

150 DE REPUBLICA
de pabulum militibus adsit ad
equos alendos. Tanto olim stu-
dio Romani coluere rem fru-
mentariam, ut sine qua nulla
Respub. incolumis est, ut alveos
à singulis regionibus Ægypti ære
publico in Nilum ducendos cu-
raverint, quibus frumenti ingens
vis Alexandriam, ac demum Ro-
mam conveheretur: incredibili-
que sumptu eos alveos servari
curaverint, ea lege, ut si quis ag-
geres Nili qui erant alveorum
ripæ, rupisset, capite plecteretur.
Ager Bizacenus in Africa, Cam-
pania, Sicilia, & quæcunque olim
regio frumenti ferax, tantæ fuit
illis curæ, ut Provinciæ nomen
inde habuerint. Sed ad *σῆμα*
redeo, quo vocabulo usus est iu-
risconsultus dig. de mune. & ho-
nor. l. Munerum. Nam harum,
inquit, specierum curatores,
quos sitonas, & elæemporos
Græci appellant, creari moris
est.

ATHENIENSIVM. ISI
est. Antequam Budæus nostræ
Galliæ suo sæculo primum orna-
mentum, Græca illic reposuisset,
alba ibi papyrus erat: & interim
satis habent nostri Accursiani, si
bonas contemnant literas, si non
esse de pane lucrando, ut aiunt,
adserant. quid illic potuissent
pro *σιλάναι*, & *ἐλαίεμποροι* com-
minisci? At dicent, & si Græce
scriptum esset, non legeretur. In-
stit. enim de publ. iudiciis, ubi
de sicariis agitur, Accursius, aut
alius dignum patella operculum
Accursianus scripsit pro com-
mento, Hoc totum quod sequi-
tur, omittas. & alibi, Græcum
est, legi non potest. Verum quo-
modo sciret Græce, qui vix latina
intelligat? qui ait bina esse qua-
tuor: balucam, quæ vox aurum
χρύσεμον significat, baiulans
lucem: baltagarios laniones, aut
ut vocat becharios: topiarios esse
fossiores, & alia sexcenta. At eius

patet late impudentia in dig. de orig. iuris. Ulpianus voce *σιτω-
νίας* Græce usus est tit. de vaca-
tio. & excusatio. munerum, lege
secunda, Sextumdecimum an-
num ætatis agentem ad sitoniæ
munus admitti non licet. quod
vocabulum statim in quandam
urbem vertit audaculus Accur-
sianus. Non ita admodum dif-
ferebant ab illis scribis quorum
in sitoniis mentionem feci, qui
vocabantur *λογόγραφοι*, quasi ra-
tionum scriptores. nam & loco
ἐπιγραφίων ponebantur, quum
alioqui vox illa oratorem versu-
tum, & quod Græce magis ex-
primitur) *λογοδαίδαλον* signifi-
cet, quo convitio se mutuo im-
petunt Æschines, & Demosthe-
nes. Verum ad alia veniendum
est.

*De Lexiarchicis, Peripolis, &
Ephebis.*

C A P. X V I I I.

Q U O N I A M iam ante in De-
marchorū muneribus men-
tionem de iuvenibus feci qui in
diario quod *Λεύκωμα*, id est al-
bum, & *Ληξιαρχικὸν* vocant, in-
scribi solebant: de illis nunc ser-
mo est absolvendus. Antequam
τὸ *Λήξεων ἔρχον*, id est, rei hæredi-
tariæ potestatem haberent, bien-
nium solebant circumire regio-
nes limitaneas veluti tyrocinia
armorum meditando: tuncque à
decimo octavo ætatis anno, quo
ex ephebis excedere mos erat, ad
vigesimalium vocabantur *περίπο-
λοι*, id est, circumitores, & *ἑφοδοί*
ob ætatem, *ἑφοδοί*, ob viam, &
peregrinationem in qua versa-
bantur etiam τὸ *χώρας ἐπίσκοποι*,
K 5 regio-

regionis inspectores, non veluti magistratus, sed ut quum ingrueret necessitas, essent regionum viarum, & locorum periti. Exacto demum biennio, veluti in præmium laborum dicebantur *ληξιαρχικοὶ*, qua iam dixi ratione. *ληξιν* enim Græci *ἐκ τῷ λύνειν*, id est, à desinendo, hæreditatem dixere, quod scilicet statim ab uno in alterum desinat. Alioqui (ut ex Isæo notavit Harpocration) *ληξίς* unitatis numero *ἐγγκλήμα*, id est, accusationem significat. Facta illis facultatum potestate, insiurandum istud, quum inscriberentur, in Agraulo loco subdiali præstare solebant. Iuramentum Lexiarchicorum: Armorum nunquam me pudebit. Ducem cui semel addictus fuero, nunquam relinquam. Pro aris, & focus solus, aut cum pluribus decertabo. Patriam deteriorem non reddam. Adversus quan-

ATHENIENSIVM. 155

quancunque regionem decernar, navigabo. Assentiar æternis iudiciis æquitatis, sacrisque iam receptis parebo. assentiar his etiam summa pace quæ plebs sancte sanxerit. Quod si quis legibus non paruerit, easque evertere volet, non permittam. vindex vero seu solus, seu cum multis ero. Sacram patriam semper colam. Hos hodie Demarchos seu *οἱ δὲ λακῶμας τὰς νῆας ἐγγραφεύουσαι* duplici in officio Turcæ habent. nomine videlicet Principis, & militum. Nomine quidem Principis tertio quarto, aut quinto quoque anno, pro bellorum usu singulis in vicis, & urbibus colliguntur ab eius iuvenes ex toto loci unius grege una composito, ut facilior sit in turba electio, pro virium corporis, & formæ ratione: qui delecti ea lege ne una domus duos fratres exhibeat ad id munus,

156 DE REPUBLICA
nus, conductique Constantino-
polim, ubi nunc regia est, in tres
classes rediguntur. Quos for-
ma naturæque indoles præstan-
tior ornat (quod in primis phy-
siognomiæ periti in eam rem
delecti curant etiam in primo
delectu) hos Princeps seorsum ad-
hibitis doctis præceptoribus for-
mandos in re literaria ad persua-
sionis usque notionem, & re mi-
litari curat, donec nati sint ut
minimum xx. annos (nam quum
eliguntur primo, ex ephebis ex-
cessisse non licet, si in hunc nu-
merum sint adscribendi) tum sa-
tis exercitati nobilitate donan-
tur, equitesque trium generum
fiunt, Spachi, Seliçtari, Uluphe-
gi. Secundi ordinis, Principis
hortos, quorum non tantum
ipse, sed & rota Turcia est stu-
diosissima, colunt, biremesque
quibus Princeps vectari in mari
solet, agere Constantinopoli
quum

quum Princeps adest , solent.
Tertius ordo, infoeliciū plane,
datur divitibus, Principibusque
viris , qui illos non raro totos
octo annos durissimis exercent
laboribus, interim ægre naturæ
illorum, tenuissimeque satisfac-
ientes, donec quadam virtute
Principibus, ducibusque belli in-
notescant, militumque numero
adscribi soleant. qua arte effe-
ctum est, ut perpetuo milite
abundet Turca. Nec vero tan-
tum ad hæc munia deliguntur
quos parit Græcia, sed & bello
capti, emptitii, quacunque arte
comparati, modo non sit inepta
ætas, solent eum augere nume-
rum, sensimque crescendo, qui
non statim munus equestre con-
sequuntur, fiunt Imghirzeri, inde
Solachi, custodiæ Principis in-
vigilantes: postremo aut equites,
aut maioris muneris, donec rude
donentur. Delectus Principis
ita

158 DE REPUBLICA
ita habet. Ut vero tam ingenti
perpetui militis numero parata
sit pecunia, habent & suum dele-
lectum, quos iam bene gestæ rei
fama evexit. Nam ut præsens
est apud Turcas pœna socordi-
bus alas ad virtutem facere soli-
ta, ita præclarum aliquod facinus
aggresso statim præmium adest:
quæ ipsa sunt duo maxima virtu-
tis excitandæ fundamenta. Præ-
ter decimas, quibus olim ecclesia
Græca dotari potissimum sole-
bat, etiam militibus, hisque quos
Princeps evectos cupit, militiæ-
que paratos, masculæ ætatis in
universis Provinciis, quemque
tamen suo iure, ius inquirendi est
permisum, ut quotquot ex ephe-
bis excedunt, & ut proprie magis
Græce efferam, ἀσπματιζουσι,
quotannis 25. aspra persolvant:
qui uxorem duxere, xxx. quæ
industria facile trecenta homi-
num millia quotannis alit. Indi-
ctio

ctio sola venit ad Principis æra-
rium. Cætera, quomodo scili-
cet possit dignosci qui ad nubi-
lem accessit ætatem, acceptique
& impensi rationes omnes tra-
ctavi in secundo rerum Turcica-
rum libro. Sed nimis sum di-
gressus ab incepto ἡ ληξιαρχικῶν.
Hoc nomen fuit sexviratus, cui
potestas erat quoties magna co-
gerentur, eligendi xxx. viros
subadiuvas, qui omnes funiculo
cinnabari tincto populares in au-
diendis legibus, senatuque ad-
eundo socordes impeterent, no-
tarentque: qua nota per negli-
gentiam accepta mulctabantur:
unde parœmia de illis efferri soli-
ta qui pœnæ timore non amore
virtutis in officio essent, σκηνίον
φεύγουσι μεμιληταμένον, id est, Fu-
niculum fugiunt minio, rubrica-
ve tinctū, aut ut Erasmus vertit,

*Vitant sinopi collitam restim
rubra.*

Tale

Tale genus hominum frequens
in urbibus est , quos nisi vis le-
gum , magistratusque diligentia
coërceat , in officio nunquam
contineas. Aristoph. *ἐν ἀγο-
ραῖσι*,

Οἱ δ' ἐν ἀγορᾷ λαλοῦσι , καὶ νῦν καὶ
καὶ νῦν

Τὸ χοινίον φέρουσιν τὸ μεμικτω-
μένον,

id est,

*Illi in foro nugantur , ac modo
huc , modo illuc*

*Funiculum fugiunt cinnabari
tinctum.*

Ab hac dictione *χοινίον* quo-
niam multa verba scitu non in-
digna, à nemine (quod equidem
viderim) explicata , veniunt , vi-
sum est ea addere , explicareque.
χοινίζειν itaq; est circumscribere,
finire, dividere, solum dimetiri,
veluti in locorum, finium, hære-
ditatisve designatione agrimen-
sores solent : qui etiam loquendi
modus

modus Hebræis, atq; Chaldæis (æ
quibus ut disciplinarum, lingua-
rumq; primis authoribus Græci
multa accepere) est familiaris, ut

חבלים נפלו לי בנע'ימי

Chabelim naphlu li banehimim.

i. Funiculi acciderunt mihi pro
votis. aut ut vulgata habet edi-
tio, Funes ceciderunt mihi in
præclaris. quæ vox prophetæ re-
gii est, adferentis nil sibi non fu-
turum gratissimum, quod Deus
præscripserit, Verum de illis lo-
cutionibus ample scripseram an-
tequam nostræ tractationes de
linguarum varietate, ac noster de
originibus liber ederetur: quæ
quum extorquerentur ista ma-
gis quam prodirent, visum est
servare in alium locum, περι-
νίζω item circumscribere signi-
ficat, inque unum ducere. Pollux
Τὸ δὲ διασέριον (τὸ ἐν ἡλιάϊα) πε-
ριεχινίζετο δὲ μὲν βασιλείας περ-
σαγείλαντες τῶν δὲ διαμεδεῶν
L ὡλη.

πωληρέωντων, καὶ τὰ λοιπὰ. Tribunal vero Hæliæum circumscri-
 bebatur rege quidem id iubente,
 thesmothesis autem implenti-
 bus. Quinquagintaque pedes
 illa circumscriptio distat à iudi-
 cum loco, ut ministri subsisten-
 tes observarent ne quis adesset
 qui iusiurandum non præstitisset.
 Valuæ porro iudicii vocabantur
 κυκλίδες, non absimiles illis
 quas κυγκυλλάδες dicunt. De-
 mosthenes καὶ ἀριστογ. ὧν ἐν ἡ δὲ οὐ
 ἐρῶ παραδείγματι ἕνεκα τὰ γνω-
 ριμώτατα· τὸ πῶς βελλὼ τὰς πει-
 ταινοσίους ἀπὸ τῆς ἀδένους ταυτησὶ
 κυκλίδος τῇ ἀπὸρήτων κυρίαν εἶναι,
 καὶ μὴ τὰς ἰδιώτας ἐπεισιναί· τὸ πῶς
 ἐξ ἀρείων πάντων βελλὼ, ὅταν ἐν τῇ βα-
 σιλείᾳ τοῦ καθεζομένου περιχοινίζη-
 ται, καὶ πολλὴν ἡσυχίαν ἐφ' ἑαυτῆς
 εἶναι, καὶ ἅπαντας ἐκποδῶν ὑποχερεῖν.
 Quorum (inquit de ordinum
 maiestate agens) unum, atque al-
 terum dicam exempli causa, ea-
 que

que notissima. Primum, quod quum quingentorum virorum senatus ab istarum tenuium valuarum limite tantum secretiora tractandi ius habet, nec privato cuiquam licet tum illuc introire. Alterum, quod Ariopagiticus senatus quum in regia porticu confederit, (locus erat Athenis) congregatusque omnino fuerit, alto silentio illic esse, atq; omnes secedere necesse est. ἀποχονίζειν contrariæ est significationis. nam expellere; proscribereque significat: quod idem orator in eadem adversus Aristogitonem oratione aperit, vocans ἀριστογείτονα πᾶσι τοῖς ἐπὶ τῇ πόλει δίκαιοις ἀποχονισμῶν, cui omni civitatis iure est interdictum. Verum quia Budæus de eius significationis varietate in commentariis linguæ Græcæ egit, de illo dicere amplius supersedeo. περὶ ἰξυγνητῶν. i. de aruspibus de cœlo ser-

vantibus , deque magistratibus res sacras, ludos, mysteriaque administrantibus hic egeram , sed quia erant parum apta illa hoc in loco , visum est ea in opus aliud differre.

CAP. XIX.

De Novemviris una, quos ἀρχοντας Græci, id est, Principes dicunt.

C E L E B E R R I M I Athenis Cerant οἱ ἐννεα ἀρχοντες , novem Principes , qui eligi in eam functionem non poterant nisi præstito hoc iureiurando ; Esse tam à patre, quam à matre genere Athenienses , talesque iam ab ab avis , ab avisque, atque atavis agnosci. Rogabantur præterea αντόχθονες essent, id est, indigenæ , an à quibusdam aliis populis olim traxissent originem: quod

quod & Veneti in agnoscendis nobilitatis liberis factitant. De religione, si esset ipsis *Ζεὺς ἑρκείος*, Iuppiter penetralis, tutelarive, *Ἀπόλλων παῖδας*, Apollo avivitus authorve. De vita antea, si in parentes beneficia contulissent, si pro patria, aris, focis, arma fuissent ab illis sumpta, si publicis honoribus meriti in Rempub. collati ergo donati aliquando fuissent. quas notas consequuti admitti poterant, non aliter. Hæc illos interrogabant Ariopagitæ in regia porticu, quæ paulo ante tradita est. Exhibito primo iureiurando, hoc secundum addebant, Se perpetuo servaturos leges, auream statuam nunquam pro quantumvis in Remp. magno beneficio postulatu-
 ros: non *ἀποδοκίαν*, id est, fordes, & quæstum iudicii causa sectaturos. qua data fide, in Acropolin Atheniensium arcem à se-

natu , ubi ibidem iusiurandum
 reperti moris erat, deducebantur.
 Non absimile à senatu Veneto
 solitum est ei fieri qui classis ele-
 ctus est imperator , quem Provi-
 datorium vulgo dici expositum
 à me est prius , diverso tamen
 longe sacramento. Is enim pro-
 specturus rebus bellicis,annonæ,
 ac classi est: illi legum vim admi-
 nistrare solebant. Ubi in arcem
 excepti erant , quanvis omnes
 ἄρχοντες dicerentur, tamen *θισ-
 μούται*, unus ἄρχων ἐπὶ πάντων de
 quo dixi , alter βασιλεὺς, id est,
 Rex, tertius πολέμαρχος magister
 militum dici solebat: de quibus
 ipsis singillatim sum modo di-
 cturus.

CAP. XX.

De Eponymo.

AB Eponymo τὰ διονύσια, id est, Bacchanalia, & θαργῆλια, id est, Apollini, & Dianæ sacra, unde θαργηλιῶν mensis Aprilis dictus est, administrari consueverant. Lites τῆ κακώσεως (qua voce primo lites quæ inter virum, & uxorem acciderent, secundo mutuas inter parentes actiones aut liberorum ingratorum erga progenitores, & item plura quæ in tractatu de actionum vocabulis tradere decrevi, significantur) audit, atque iudicat: pœnam τῆ παρρησίας, id est, iniuriæ per temulentiam illatæ statuebat. Illius curæ committebantur orphani, ad quos defendendos, tuendosque ἐπίτροποι tutores viros singulari integri-

gritate deligere solebat, qui ius
etiam inter legitimum, & insti-
tutum hæredem dicere ex officii
ratione solebant. Hos Græcia
ὀρφάνων ἐπιτροπῆς, id est, or-
phanorum tutores, ut ab his ap-
posita dictione differrent, qui
ἐπιτροπῆς οὐκ ὄντων viduarum defen-
sores dici consueverant, vocare
solebat. Postremi viduas quæ
post mariti mortem gravidæ re-
manferant, diligentius conserva-
bant, atque posthumis prospicere
soliti, curabant viduas, pupillos-
que diario indictionum eximi,
publicisque contributionibus li-
berari. Quæ in re quam simus
negligentes, id satis monstrat,
quod nullus ad id munus magi-
stratus peculiaris deligi solet:
& præclaris interim verbis pieta-
tem intonamus, in qua exercen-
da facile non tantum à Muhame-
dicis, sed & ab ethnicis vincimur.
ἐπιτροπῆς οὐκ ὄντων alioqui si sine adiecta
alia

alia voce acceperis, cuivis negotio præfectum notabit. Iam supra docui fastorum seriem, rerumque gestarum memoriam ab hoc eponymo magistratu notari scriptis publicis, privatisque solitam: quod verum semper erat, nisi quod in ἀρχαιεσις, id est, magistratuum electione sub anni Principio fieri ad aliquot dies solita ita supputabant, ἐπὶ πρώτης πρυτανείας τῇ δεκάτῃ ἢ ἐνδεκάτῃ, primæ prytaniæ decima, aut undecima. Cicero morem Græcorum exprimere libro de fato voluit. Morietur, inquit Epicurus, quum duos, & sexaginta annos natus vixerit Archonte Pythorato. Voluit & genitivum Græcorum in ablativum Latinorum transferre Græco vocabulo. Proprie itaque dicebatur ἀρχὸν ὁ ἐπὶ ὧν μὲν, id est, Princeps unde res gestæ rationem temporis, nomenque

170 DE REPUBLICA
acciperent. De eponymis statu-
tuis iam ante scripsi. ἀρχὴ ἰπώνυ-
μος nomen erat magistratus il-
lius. Unum nolo omittere, quod
hi ius ciuibus tantum dicerent, in
iisdem vero causis πολέμαρχος
inquinis.

C A P. X X I.

De Rege.

BAΣΙΛΕ' A regem, sacrifi-
culum interpretatur Livius:
unde possumus confirmare (quod
sæpius exposui) Romanos non
tantum legum exemplum à Græ-
cis expetivisse, sed & Reipub.
imaginē hinc sumpsisse. Quem-
admodum enim hi rege sacrifi-
culo sacra fere omnia administra-
re solebant, ita nomine sacrorum
prima erat Athenis autoritate
Rex. Prima enim muneris di-
gnitas illi erat, quod τὰ ἱλιούσνια,
κς

καὶ λῶαία Cereri, & Baccho sacra ludorum curatoribus fieri pro moris usu curaret. In singulis enim ludis Athenienses suos χορηγούς, id est, choragos, seu adiutores habere solebant, qui non tantum (ut iam à me est notatum) præerant ludis, sed & liberalitate pro opum ratione in Reip. impensas utentes, de suo non parum infumebant, eo solum nomine, quod illorum essent præfecti, quemadmodum in certaminibus ἀλλοθίσται munerarii athletis partim ex suo, partim ex publico ære præmia proponebant. In choragorum munere, & privilegiis aperiendis tota Demosthenis in Mediam oratio versatur. si quis itaque copiosius de illis legere cupiat, illam legere poterit. Horum exemplum in mysteriis (ita tragœdias, comœdiasque vulgares quæ vitas heroum pro Christo passorum personatis hominibus

minibus plebeiis exponunt, vulgo dicunt) frequens usque adeo est, ut multi inde rem familiarem, dum lucello inhiant, decoquant amplissimam, Athlotheta-
rum exempla crebra sunt in singulis urbibus, quæ aut iactu balistæ, ignei tormenti, arcus, aut etiam palæstræ exercitatione militem exercent. Curabat præterea noster sacrificulus sacra τὰ ἐπὶ λαμπάδι, quæ videlicet ad lampadem fierent. Quæ vero ea essent, quæ veratione obiri solita, ita scriptum reperio. Tria ubi semper lampadis usus erat, festa Athenienses habuere, ἀθληταῖα, ἡφαισταῖα, αἰθνηταῖα, Minervæ, Vulcano, Promotheo. Suidas, ait, Istrum scriptum reliquisse, quod quum Athenienses sacra Vulcano facerent, lampadem excogitassent: ob cuius rei memoriam perpetuos illi ludos consecrarint, in quibus usus semper

per esset lampadis. Ut vero gratiam referrent etiam prudentissimæ artium inventrici Palladi, itemque Prometheo primo suprema literarum memoria artium variarum inter homines propagatori, sanxere ut pariter in illorum sacris eadem lampade posteri uterentur. Quæquum altius contemplor, ut non possum satis admirari quam nullam fere ob rem, aut vilioris, & quam facile rideas artis excogitationem, leviter, temereque, ne dicam impie, credula nimis antiquitas multa hominum monstra in deorum numerum reposuit, ut ostenderet religiones illas opinione non veritate nixas: ita vehemens mihi subit illorum ediverso admiratio, qui semper persuasum habuere, nil boni in hac vita sine lumine, atque adminiculo cœlesti se posse consequi: quod vehementer illorum refel-

lit

lit amentiam, qui sine providen-
tiæ munere res istas bene geri
posse credunt, Peractis sacris,
etiam controversias quæ illorum
causa inter gennetas oborieban-
tur, dirimebat. Qui essent *ἑννεα-
ταί*, ex Harpocrate subdo.
ἑννεαταί, inquit, sunt eiusdem
generis, familiæ've participes.
Quum enim Atheniensium po-
pulus esset in certas partes divi-
sus, maximæ, ut diximus, *φύλαι*,
id est, tribus vocabantur: qua-
rum singulæ trifariam partitæ
τρίτῳ creabantur: quæ etiam *Φρα-
τερίαι* dici solebant, ἀπὸ τῆς *Φρα-
τερίας*, à puteo videlicet, cuius erat
in eadem vicinia communis
usus. (Dixi iam in demarchis
etiam quamlibet tribum propter
nautica munia in duodecim par-
tes; seu *ναυκρατίας* parti) quali-
bet vero *Φρατερία* (persequitur
Harpocrat.) sacrorum gratia in
triginta partes divisa creabat
γίνετο,

γένεσις, nongentesimam populi
 Atheniensis partem: cuius singu-
 li patresfamilias *κληνται* vocari
 solebant: inter quos ius de sacra-
 rum administratione dicebat.
 Subdit idem athor Isæum in ora-
 tione pro Appollodori hæredita-
 te *συγκληνῆς*, & *κληντὰς*, voca-
 bulo abutendo, eosdem dixisse:
 Philochorum præterea *κληντὰς*
 interpretatum *ὁμοκαλάκτας*, qua-
 si collactaneos dicas. De cæde
 causas, quas ex præcognitione,
 aut ex occasione rei obuii præoc-
 cupare poterat in senatum Ario-
 pagiticum introducere solebat:
 ubi vero reos ante tribunal stitis-
 set, deposita corona ipsis Ariopa-
 gitis assidebat, sententiam pro ra-
 tione criminis primus dicturus.
 Ad hæc rerum inanimatarum
 causas, verbi gratia de damno ab
 obice in via publica dato, de rui-
 na ex tigno communi, maceritiis,
 ædibus ruinam minantibus, &
 huius-

176 DE REPUBLICA
huiusmodi audire solebat, quis-
que teneretur earum nomine, iu-
dicio declarare. Qui ille erat
sacrorum Princeps, de vocabulo
quo illum honoris ergo Athenæ
donarent, deque cæteris sacra-
rum rerum curatoribus, pariter
de ludis, festis, & huiusmodi,
plura hoc in loco scripseram, quæ
etiam ipsa commodius in suum
ordinem opere peculiari servare
visum est.

C A P. XXII.

*De Polemarcho Tribuno mi-
litum.*

ΤῶΝ δὲ δὲχόντων τρίτῳ ὁ
πολέμαρχος, Principū tertius
erat polemarchus: qui quo voca-
bulo melius Latine dici possit et-
iam officii explicatio planum fa-
ciet. Præerat primum Dianæ
& Martis Enyalii sacris, ob eam
rem,

rem, quod hi potissimum rebus
 bellicis præire crederentur: quod
 Homeris epithetis appositissimis
 expositum reliquit, dum illam
 ἰοχίαιραν, hoc est, telis gauden-
 tem, hunc ἀλοπρόσαλλον, μισφόν-
 ον, τειχωσιπλήτην, id est, incon-
 stantem, homicidam, murorum,
 urbiumque everforem vocat.
 Certamina etiam ἐπιταφικά, or-
 nari, & disponi curabat polemarchus.
 Erat olim præclarus Athe-
 nienfibus mos, ut quotquot in
 bello pro patria fortiter occu-
 buissent, eos in diario adscriptos,
 nominum, & rerum ab illis præ-
 clare gestarum crebra recitatio-
 ne, celebratione, & gloria, præ-
 sente universorum civium coro-
 na post tam foelicem mortem lu-
 dis, & celebritate publica cele-
 brarent, certaminaque à iuven-
 tute fierent, quæ dicerentur ἐπι-
 ταφικά, id est, sepulchralia, in
 quibus ipsi iuvenes gloriæ cupi-
 M dira-

ditate ad rem bellicam , mortis contemptum , amorem Reipubl. usque adeo beneficiorum in se memoris inflammarentur. Quāvis enim virtutis præmium vir bonus in conscientia, minus perfectus in gloria ponit, tamen verum est & illud Silii,

Nec reperire licet multis è millibus unum,

Virtutem precium qui putet esse suum.

Qui itaque gloriam è rebus humanis tollit , is virtuti alas præcipuas adimere videtur. Tribus enim illa rebus potissimum alitur: unica gloria in magnis viris, cui præmium accedit : in tenuioribus , & quos non usque adeo incitat, formido, & præsens poëna illam in improbis inserit: qui non raro inde habitum , facultatemque ad duo prima sibi comparant , ut iam scilicet non inepti,

inepti , præmio digni sint : quo
 eveci , in gloriæ cupiditatem,
 quæ illos in virtute retinet, tran-
 seunt. Præscribi præterea à Po-
 lemarcho solebant cantilenæ , &
 versus quidam in laudem de-
 functorum , & virtutis : qui ipsis
 iuvenibus decantandi in ludis
 publicis dabantur. Qui ordi-
 nem in bello reliquissent, qui im-
 minente periculo fugissent (quæ
 crimina *λειποταξίς* , & *ἀποστασίς*
 vocant) eos ad senatū Ariopagi-
 ticum defererebat condemnandos.
 Singulis tribubus manubiarum
 partes dare : inquilinos qui sine
 census persolutione , aut vade
 Athenis agerent, multare: ius in-
 quilinis , & *ισοτέλεις*, id est , po-
 pulis fundis , civitateque donatis
 dicere:legatis prospicere:in sum-
 ma rei militaris, & inquilinorum
 omnia tractare , terminareque
 consueverat. Scribunt non pau-
 ci authores & urbis claves ad

180 DE REPUBLICA
eum deferri noctu solitas, portarumque custodiam tradi : quod munus in liberis Galliæ civitatibus illorum est quos vulgo Maiores vocant. Verum quia is rei militaris summam habuit , volo hoc in loco cæteros belli Duces attingere.

C A P. XXIII.

De militaribus officiis.

SUBERANT πολεμάρχῳ duo ἱππάρχῳ equitum magistri, ut refert Harpocracion Aristotelem in Atheniensium politia scriptum reliquisse : quibus non tantum equestris ordo, sed universus quo in loco erant pareret exercitus necesse erat : alioquin animadvertere in facinorosos, imperiumque detrectantes statim licebat. Curabant præterea ne quis ab ordine, aut à Duce se-

ce semel delecto recedere indicta causa urgente sine illorum permissu pœna capitis auderet: ut modum in victu, & cultu servaret: ne se sarcinis graviolem, victumque redderet: ne iniuriam popularibus inferret, & cætera huiusmodi militibus præscribi solita. quibus in observandis mirum quam simus socordes. Sobrietate, continentia, obedientia olim Galli non tantum Europam totam subegere, sed & Asiam totam incurrando terruere: nunc venus, ingluvies, ebrietas, pervicacia, ordinis, & Ducis contemptus, furta, cædes, rapinæ priorum civium, & popularium nos deliciis involuentes in contemptum vertunt. si interim à Duce viro probò expetatur pœna de eius milite, audet turbas, & factionem excitare, se abducturum ad alium plures comminari: & hæc patimur: unde inulta

scelera illos furcis quotidie refer-
 vant. Verum frustra queror,
 capita non infrequenter sunt
 membris deteriora. Hoc tam
 difficile, tamque laboriosum mu-
 nus per ταξιάρχας, id est, ordi-
 num præfectos obire solebant.
 Hi enim ordinum Duces, centu-
 riones, decuriones, leviorisque
 armaturæ milites in ordinem co-
 gere solebant, quod Græci πα-
 ρασηζεν dicunt. Erant Athenis &
 decem φύλαρχοι, id est, Tribuni,
 tribuumve præfecti, quos quidā
 scribunt (quibus non facile assen-
 tior) hipparchis præfuisse. Diver-
 sum vero me sentire Demosthe-
 nes facit philippica prima, ὅτε
 ἐχρηθέντε ὃ ἐξ ὑμῶν αὐτῶν δίκαια
 ταξιάρχας καὶ στρατηγὰς, καὶ φυλάρ-
 χας, ἔπιπάρχας δύο; τί οὖν ἔτι πο-
 ιῶσι; Nonne eligistis ex vobis decē
 ordinum præfectos, ac Duces, tri-
 buumque præfectos, & magistrōs
 equitum duos? hi igitur quid fa-
 ciunt?

ciunt? Voces diversę, muneris diversitatem significant, & ex ordine dicendi, functionis seriem monstrant. ἵππῆς porro, id est, equites illi, quibus ἵππαρχοι præerant, quotannis ἵππᾶδα, id est, sacra equestria persolvere soliti erant. Voce *φολέχης* Græca usus est Cicero in epistolis familiaribus. Verum ab hac tractatione mihi parum cognita de experientia, recedo, ne idem mihi contingat quod olim sapientiæ professori in Græcia Phormioni apud Hannibalē contigit. quum præclare enim, ut literæ humaniores nullius rei quantumvis abstrusæ expertes illum docuerant, de re militari ex arte discipulasset, Pœnus subiunxit, multos se quidem deliros senes sæpe vidisse, sed illo uno qui magis deliraret, vidisse neminem.

CAP. XXIV.

De sex Thesmothetis.

VELUT I summa capita in iudiciis sex Thesmothetæ cum tribus iam scriptis, tribuum Duces equites, equitumque magistrōs eligere solebant alioqui horum præcipuum munus erat in iudices legum præscripto non utentes in iudiciis, veluti custodum totius Reipub. observatorum, severissime animadvertere: ita loco illorum sane nos regios procuratores, & advocatos habemus, sed apud quos non raro ἡ χεῖρ τῶ χεῖρ νικάει. Scorsum porro Senatum extra præscriptū iure, aut consuetudine tempus cogere poterant: quod quanti esset muneris, quantæque auctoritatis, ut hodie satis patet, ita Romani magno docuere argumento.

mento. Licebat enim apud eos tantum dictatori, consuli, prætori, & in summa rerum difficultate Tribunis tam militaribus, quam plebeiis id efficere. Habito senatu, illius acta significari popularibus curabant. Litem intendere præterea solebant in eos magistratus qui nondum omnium suffragio examinatum legem promulgassent, quam actionem *παρενόμων γραφή* vocari iam supra in nomophylacibus notavi. Erant enim singulares legum vindices. Populis fundis præterea qui Atheniensium iure uterentur, ius præscribere, in falsos testes pœnam statuere, talionis pœna falsum accusatorem plectere, iudicibus singulis cum proedris sedes honoris loco designare, illorum fuit muneris. Hoc munus in constituendis iudicibus probe observari à Quatuorviris præsidibus

M 5 apud

apud Parisios videmus, aut si alii sint, ab uno qui curiæ præsideat. Sunt enim apud nos, præcipue Parisiis (quum alioqui in Gallia sit conventus Rhotomagensis. Burdegalensis, Tolosanus, Gratianopolitanus, & Divionensis) plures ut vocant camerae, quæ subsellia non male vocari credo, quibus varios iudices quotannis dari cerrum est. Alibi enim causæ civiles, capitalia alibi crimina, alibi quæstio rerum fiscalium tractatur. Iura Principum alii, multas alii exigunt. quæ profequi esset aliud opus si pro materia dicatur. Verum hæc me admonent ut subselliorum Atheniensium loca nunc attingam.

C A P. X X V.

*De tribunalibus, subselliisve
in quibus Athenis ius
dicebatur.*

UT clarius singula appareant,
Demosthenis omnium do-
ctrinarum Principis ex oratione
κατ' ἀεὶ ἀνὰ γὰρ sententia mihi
primum in medium adferenda
videtur. Illa enim lucem sequen-
tibus maximam adferet. Ubi er-
go in memoriam ipsis Athenien-
sibus illa publica commoda re-
tulit, quibus illi fruerentur, quo-
tidie, qui civitatis iure uteban-
tur, quorumque Charidemus (in
quē partim ea oratio scripta est)
si secundum Aristocratis decre-
tum ipsum Athenienses recepis-
sent, particeps esse poterat, ait:
Varia quidē certe sunt apud vos
ô Athenienses commoda, qualia
non

non temere alibi reperias : inter
quæ unum illud præcipuum est,
non minus celebre , quam vene-
randum , Ariopagiticum tribu-
nal : de cuius dignitate si quis-
quam orationis copia dicere co-
nabitur (tam varia, magnaue de
illo tum ab antiquis tradita, tum
nostra memoria cognita sunt)
tanta se dicendorum moles offe-
rat, ut de nulla alia re maior. quo-
rum tamen ipsorum exempli
gratia unum, atque alterum ad-
feram in medium : utque primo
ab antiquis est traditum , refe-
ram. Dii ipsi senserunt illic po-
tissimum cædis iudicia peragi
debere (ita fama est) ibique potis-
simum iudices fuere. Neptunus
pro Halirrhothio filio adversus
Martem id testatur. Duodecim
dii iudices inter Orestem, & Fu-
rias illic sententias dixere. At
ista antiquiora videntur. Venia-
mus ergo ad recentiora. Tanta
h uic

huic senatui reverentia, tanta est
semper habita fides, ut nec ty-
rannis, nec oligarchia (quæ pau-
corum potentiorum imperium
est) nec etiam quæ universarum
administrationis specierum vim
superat Democratia, ausa usquam
fuerit cædis iudicia ab eo loco
transferre. Ita omnes in univer-
sum semper sua consilia debiliora
putavere, quam quæ possent tam
exacte verum ipsum atque æqui-
tatem in causis tam fœliciter as-
sequi. Ad hæc etiam (quod ipsum
maximum est) nemo unquam aut
reus convictus, aut accusator
non convincens repertus est qui
merito ab eorum sententia posset
provocare. Nunquam enim
quicquam quod reprehendi me-
rito posset, in eo collegio decre-
tum est. Hæc Demosthenes:
cuius verba appendere ob digni-
tatem paulo prolixius visum est.
Pausanias in Atticis ita tradit.

Prima

Prima quidem , ait in dextra παραμικῇ parte est πρὸς βασιλίδι,
 regia porticus, in qua annuo ma-
 gistratu solet Rex sedere , cuius
 magistratus ἡ βασιλεία ἀρχὴ di-
 ci solet. Harpocraton ex prima
 Demosth. in Aristogitonem ora-
 tione , tres esse πρὸς βασιλείας,
 porticus regias, invicem è regio-
 ne collocatas ait. Primam δῖος
ἰλσθιρείας, Iovis liberatoris : al-
 teram regiam vulgarem , usita-
 tamque : tertiam variis figuris
 ornatam , quam ideo ποικιλίᾳ
 dixere Græci. sed verba Pausa-
 niæ prosequor. Ἀρεῖ πάρῳ, in-
 quit, id est, Martius vicus, dictus
 inde est, quod ἄρης, id est, Mars,
 condemnatus illic est eo quod
ἐλὶ πρὸ θύων occidisset. ubi & Ore-
 stes ob matrem interfectam iu-
 dicatus est: qui sententiæ pœnam
 effugeret, aram Palladi instituit,
 quam ἀρείας ἀθλῶς βῶμεν, id est,
 Martiæ Palladis aram vocavit. &
 paulo

paulo mox. Sunt etiam Athenis alia tribunalia non usque adeo ut primum celebria, ut est *τεινω-
νον*, à figura triangulari ita dictum: & *παράβουρον*, ita nuncupatum, quod in obscuriori urbis loco (erant Athenæ in declivi loco sitæ, Libanotoque obiectæ) esset atque à paucis frequentaretur. Maximum vero omnium, & in quo plures convenirent, erat *ἡλιαία*, de quo iam dictum est. In quo autem homicidæ, venefici, sicarii, & maxime causæ capitales iudicarentur, illud vocabant *παλλάδιον*. E' *δελφινία* ius illis dici solebat, qui cædem quidem commisissent, iure vero naturæ tuendæ se fecisse assererent. In prytanio de rebus civilibus, ut supra à me est notatum, transigebatur. *Ἐπιγυῖα* (qui locus ad portum non longe ab arce erat) iudicia *φριαγυῖα* erant, ubi videlicet illorum audiebantur

tur accusationes qui iam iudicium extra Arium pagum effugissent : qui veluti profugi causam ex navibus dicere consueverant. Hæc Pausanias paucis explicat: à quo ad lucernam Demosthenis rediens , volo maiorem lucem adferre. Postquam de Ariopagitis supra egit, in eadem oratione statim subiungit. Alter autem iudiciorum locus *ἐν τῷ ἀδία* erat, ubi de cæde præter voluntatem , virique repellendo illata , quærebatur. Illic enim quanvis manifesti criminis reum defuncti necessarii agerent, non tamen pœnæ arbitrium habere poterant, sed ab ipso senatu cognita causa alio ille concedere iubebatur, quoad parentum animi desinerent in eum esse infensi. Solebant vero pœnam æstimare apud antiquos læsi , aut interempti affines , præterea in ius presentibus rapere testibus quemlibet

libet adversarium. qua de re pau-
ca quædam addere visum est.
Demosthenes in Mediam , πῶς
ἐν ἑσσι εἶτο , εἰάν ποτὸς ὁδὸς δῶ
ἀγὰ τὸ νόμον, καὶ τὰ λονπά. Quo-
modo , inquit , habebit istud , si
plures modos lege permisos de-
dero , quibus adversus iniuriam
inferentes utamur? verbi gratia,
furti vin' aliquem accusare? va-
les viribus? factum tibi certo
constat? Rape in ius ad undecim-
viros. est vero mille drachma-
rum periculum in multa , si fa-
ctum non probes. Es tu debi-
lior, ut qui in ius non possis faci-
le rapere? Agito illum furti apud
novem ἀρχόντας. Quod si apud
illos deferre times , accusa apud
sex thesmoethetas. De tua for-
tuna conquereris , quodque sis
pauper , non potes esse mille
drachmis solvendis si non pro-
bas? Furti apud arbitrum accusa-
re potes, nil tibi erit inde pericu-

li. Sexcenta sunt huiusmodi ad-
minicula ad ius consequendum.
Satis ex verbis Demosthenis ap-
paret quod dicebam , cuique in
ius sine viatore , aut apparitore
(quos servientes vulgo in Gallia
vocant)adversarium rapiendi po-
testatem fuisse. Quod vero
idem exemplum Romam sit tra-
latum , quum ex multis aliis lo-
cis , tum maxime ex titulo dige-
storum , Si quis illum qui in ius
vocatus est,vi eximat,satis patet:
& Lyricus satyra nona libri primi
aperit.

-Casu venit obvius illi

*Adversarius: &, Quo tu tur-
pissime? magna*

*Exclamat voce. &, licet atte-
stari? ego vero*

*Oppono auriculam , rapit in ius
&c.*

Quo ex loco notandum venit
præterea , si quis veller attestari
rogatus,

rogatus, eum, ut meminisset, ab
 actore defricari memoriæ gratia
 circa auriculam solitum : quod
 & nostra ætate video servari ea-
 dem ratione, proverbiique loco
 esse apud multos, Post auriculas
 te ea de re defricabo, scalpam ve.
 quod à vetustissima Romano-
 rum consuetudine ad nos transi-
 isse certum est. Verum redeo ad
 subsellia. Παλλάδιον ait Pollux
 everfa Troia à Græcis Athenas
 fuisse delatum : habitatores vero
 Phaleri, qui portus iuxta Piræum
 Athenis coniunctus est, illos esse
 hostes arbitrati, in mare præcipi-
 tes dedere. Acamas etiam dixit
 Græcos fuisse homines qui Pal-
 ladis simulacrum attulerint : oc-
 cisos itaque oraculum vocavit
 ἀγνῶστας, quod quum essent ami-
 ci, contrerraneique, ut ignoti pe-
 riere : quo in loco ob rei memo-
 riam Palladium sacrum, & tri-
 bunal constructum est, ubi de

cæde involuntaria ius dicerentur, quoniam illos Phalerei non nocendi, sed opitulandi patriæ desiderio imprudenter veluti hostes occidissent. Subdit Demosthenes: Tertium porro tribunal fuit ἐν Δελφίνῳ, ubi ius illis dici solebat, qui cædem quidem commisisse se non negarent, iure vero eam fecisse contenderent. Esse enim aliquam iuste illatam cædem non negabit quicumque deos ipsos, qui æquissimi putantur, illic Orestem qui matrem tamen, sed iuste occiderat, post dictam causam noverit absoluisse. Ab Ægeο id constructum narrat Pollux, unde Apollo Delphinus, Bellona Delphinia dicta est: primumque ibi iudicium recepisse Thesea, quum prædonum spolia dicaret deo, non quidem negando Pallantidiorum cædem se commisisse, sed sancte id fecisse contendendo, ne illi, aut ei, aut

Reipub.

Reipub. nocere pergerent. Quartum (ait Demosthenes) erat ἐν ἡ ἐπὶ ἀστυνομίᾳ, ubi solebant huiusmodi causæ tractari: si quis in via transiens, ab obice illato, lapide scilicet, ferro, ruina, aut alia quavis re inanimata, aut etiam ab ignoto percussore fuisset læsus, coniecturis argumentabantur, si qua arte possent in illius qui damnum dedisset, aut dati causa fuisset, cognitionem venire: qui inde probationibus victus condemnabatur pro rei ratione. In illius tribunalis iudiciis, quibus Rex de quo egi, præerat, assidebant πολοβαπλῆς, regis assessores, amatoresive, qui rem post perquisitas coniecturas, si non constaret de authore, corrumpi, & in flumen, mareve proiici in pœnæ signum curarent. Πέμπτον βῆμα τὸ ἐν Φρίᾳ, quintum tribunal in loco quem Φρία, id est, puteum vocabant:

alioqui τὸ ἐν πειραιῇ dici solebat:
 ubi si quis post eadem contra vo-
 luntatē admissam, aliam volunta-
 riam commisisset, cogebatur da-
 re facti rationem, idque ex navi
 veluti solo proscriptus) quæ nec
 anchora, nec rudentibus oculari-
 bus retineretur. Ibi primum ἰφί-
 τας ius dixisse fama est. Perseque-
 rer ex Demosthene τὸν ἡλιαῖον,
 nisi iam sæpius esset à me scriptus
 ille confessus. Ἐν Λύκῳ in Lyco
 conveniebant arbitri, & illi iudi-
 ces qui causis terminandis ad-
 iungerentur. Μέλιχον addidit
 Pollux, nomine tantum, verum
 quid illic tractaretur, non docet,
 nec apud alium legi. Nolo hic
 immorari in iudiciorum verbis,
 aut formis explicandis, quæ mul-
 ta huc congesseram, ne operi ad-
 res ipsas declarandas nato, vi-
 dear, & Grammatica inserere:
 quod alibi fiet commodius: sed
 tamen absolvere curiarum, & iu-
 dicio-

diciorum vocabula, ut sunt mihi promiscue observata, nunc commodius iudico. Ἡλιασῆς καὶ κριτῆς, idem significant, iudicem ordinarium, ut aiunt. Εἰ κριτῆς καὶ ἀπὲλκευς, à Cicerone lectus iudex dici solet. Γερυσία, omnium senatuum, & iudiciorum generale nomen est, à senili ætate (qua par est, aut certe moribus, esse iudices) dictum: peculiari tamen vocabulo ita vocari quinquaginta ἐφόρων consilium apud Lacones, scriptum reliquit Aristoteles. Hoc enim ἐφόρος nomen quanvis generale est præfecturæ cuiusvis nomen, tamen & magistratum eum significat, ut & ἰσταῖς, ἀρχαῖς, ἐπιστάτης, ἐπιτροπῆς, ἄρχαν, παμίας, ἐπίσκοπος. Omnia enim præterquam quod sunt dignitatum vocabula, communia etiam sunt. Nomine γερυσίας præterea decem κόσµας apud Cretenses etiam notavit Aristoteles.

200 DE REPUBLICA
 teles. Illam vocem ex Græco
 in Cicerone Senatum vertit Ga-
 za. Η *γενοία* etiam *Ἔδνασις*,
 vocari ex oratione Æschinis in
 Ctesiphontem notavi iudicium
 quodlibet, quoties in eo iudices
 ius dicerent. Confessum præ-
 terea iudicium *συνέδριον*, ipsos-
 que iudices *συνέδρους*, quod com-
 muni sede uterentur, reperio di-
 ci, id est, assessores: qua voce He-
 bræi ut LXX. sapientū confessum
 exprimerent, sunt usi, סנדרין
synedrin vocando.

CAP. XXVI.

*De assessoribus, quos Græci
 παρόδρους vocant.*

IUDICIIS solennioribus sex
παρόδροι, à singulis trium ἀρ-
χόντων bini delecti, solebant
 adesse: quos ex Aristotelis Athe-
 nensium politia recitat Suidas
 tan-

tantum fuisse quatuor : de quo numero non contendo , quum ad rem parum faciat. Hos oportebat esse vitæ inculparissimæ, de qua antequam iudicibus possent adfidere , apud quingentos viros prytanes primum , secundo inter Ariopagitas , quovis volente per præconem (ut iam à me est notatum) ad accusandum admissio, rationem reddidisse oportebat. Causa tam severæ perquisitionis erat, quod res periculi plenas , & in quibus maxima fide opus est, tractarent , nempe iudicum sententias , quas unum verbum omissum, mutatum, alio translatum , aut scriba celerrime excipiente additum , poterat evertere, inque contrarium trahere, aut saltem partim iudicis mente multum abducere. Erant itaque veluti scribæ observatores, dispunctoresq; eorum quæ transcripsisset dictante iudice. Non

M s possum

possum hic non admirari patientiam nostram, qui alamus quotidie in curiis sexcentos nebulones fescuncialibus literis libellos ita augentes lucri gratia, ut quod decem, aut duodecim versus vix impleat, in integrum quaternionem transeat, & extendatur: tamen quum videam leges contra illatos latas à nemine magistratum habente curari ut observentur, vereor ut stipendium quod aliqui consularium virorum advocatorum, & procuratorum servis daretur, inde sarciri facile omnes velint, patianturque. itaque alio progredior.

CAP. XXVII.

*De apparitoribus, & illis quos
Græci ὑπαγογῆς dicunt.*

NISI maior dignitas, & magistratuum numerus me ordinem

dinem institutum servare coëgis-
 set, & quod non litium ordine,
 sed locorum, & observationis ra-
 tione scribere ab initio visum est,
 erant hi magistratus, aut munera
 potius in ipso operis exordio ad-
 scribenda, ut quorum alterum in
 ius vocante adversario venire re-
 cusantem compelleret, *ἑισαγωγὴς*
 vero singulis mensibus libellos,
 & nomina litigantium in diario
 adscripta senatui offerret, no-
 menque ederet. qua in re mihi
 videtur non esse absimile munus
 illorum quos ostiarios, & au-
 dientarios vulgo dicimus. Primi
 officii homines, servientes vulgo
 dictos plures quam par sit habe-
 mus, tamen sine illorum signifi-
 catione in Gallia neminem in ius
 vocare licet, nisi citatione sacris
 initiatum. unde *κλητέιν* Græci
 in ius vocare dicunt, ducta *ἀπὸ τῶν*
κλητῆρων, id est, ab apparitoribus
 voce, ut item hi *ἐκ τῆς καλῆς*, à
 vocan-

204 DE REPUBLICA
vocando scilicet dicti sunt. Ver-
bum κλητίαι præterea signifi-
cat, testes adversum me audio:
quod Aristophanes in Nebulis
significat.

Τῶν ἱμαντῶ γ' ἐνικαυωὶ χρη-
μάτων

Εἴλω σε κλητέοντα.

*Meorum certe pecuniarum gra-
tia traham te in ius, testes adver-
sum te auditurum.*

CAP. XXVIII.

Περὶ κληρέων, quos colonis
ducentis præfectos dice-
re possumus.

RA T I O (ut sum proxime
præfatus) dignitatis magi-
stratum, aut, si illa deesset, ma-
ior numerus, me coëgit eum ser-
vare ordinē qui in operis discursu
visus est: verum promiscue ut
plura

plura dicere sum eam ob rem co-
 actus, ita nunc ad finem usque, ut
 se offerent, sum singula prose-
 quuturus. Solebant itaque κλη-
 ρῆσαι colonos in urbes, aut priscae
 Atheniensium possessionis, aut
 nuper conquistae, non satis ha-
 bitatas, inscribere, destinareque
 delectos, atque agrum regio-
 num, & iuris ipsarum urbium
 dividere, veluti pro sorte cuius-
 que. unde vox κληρέων, id est,
 sortes habentium ducta est. qui
 mos ut latius pateat, Libanii so-
 phistae sententiam ex argumento
 orationis Demosthenis οὐδὲν
 ἐν χωρρονήσῳ, adducere visum
 est. Erat, inquit, ea peninsu-
 la quae Thraciae adhæret, Athe-
 nensium antiqua possessio, in
 quam Philippi regis tempore ad
 continendam possessionem suos
 κληρέας miserant. Mos enim
 ipsis erat, ut qui domi facultati-
 bus essent destituti (quod per
 Ario-

Ariopagitarum diligentiam à Valerio scriptam, atque superius adductam statim resciri poterat) accepto illi cum armis viatico à Repub. in exteras, aut nudas, cultoribusque vacantes, aut recens conquiritas urbes mitterentur. Hæc ille. Quibus ipsis exemplis docemur quonam hodie sit utendum remedio, ut tantæ populi multitudini aut per vim, calumniamve, aut per agnatorum multitudinem, aut quodam progenitorum scelere facultatibus omnibus destitutæ, egregie prospiciatur. Eam enim frequentiam populi, etiam illorum quorum maiores virtutis ergo erant laudem nobilitatis consequuti, videmus eousque crevisse, ut una hæreditas (si Caletensium, Aquitanorumque morem, quorum primigenii male fratribus consulunt, excipias) iam ad unicolos redacta, vix possit singulis fratribus,

bus , vel hæredis nomen relin-
quere, & ante paucos annos, nisi
ingens vetuerit clades, sit nudos
relictura nepotes, atque in despe-
rationem adductura. Præterea
rerum omnium venalium, con-
ductitiarumque precia in im-
mensum aucta, extremaque om-
nia quæ æquitatis lancem supe-
ravere, nos admonent multitudi-
nis, & contentionis ergo in dete-
riorem partē abire omnia. Qua-
propter quum æmulationis, &
contentionis vitium nunquam
possit, & nescio si debeat, è medio
hominum tolli, non impruden-
ter Principes, & penes quos est
legum autoritas, meo iudicio
fecerint, si dato ad iter, & aliquot
inde annos stipendio, & viatico,
totam rebus destitutam, & per-
gere volentem multitudinem in
terras novas cultoribus destitu-
tas mittant. Inde enim diviso
inter illos agro novo, aut ex
æquo

æquo, aut pro dignitate, fiscus facile ad principem ex vectigalibus redibit, miseris vero amplissime prospicietur, malis, & proscriptis hominibus, quibus ex rerum defectu peccandi consuetudo est in habitum versa, purgabitur culta regio, nec erit ubi, etiam si maxime velint, furandi in tenues exerceant consuetudinem. Hac arte olim Athenienses, Lacedæmonios, Græcos, Romanos, Gallos usos legimus. De his aliquando locum mihi dicendi apud Principem cupiebam vehementius, antequam tua prudentia Poiete apud eundem impetratum intellexi, quod summo opere suadere conabar. O felicem Franciscum Regem tali Cancellario, O fœliciozem Cancellarium tali rege: verum utrū, præter dignitatem, magis beatum existimē, ægre sane iudico. Ille literatos, literasque excitat
præ-

præmiis, benevolentia : hic illos perquirir, evehit ad præmium. Ille iustissime imperando, omnium demeretur animos: is æquitatem summam observando, nulli non satisfacit. Tutatur omnes Franciscus, per eum Poietus omnibus prospectum curat. Ille virtutis, & literarum omnium absolutam quandam possessionem haberi curavit, is etiam ipsi possessioni suam adsignari locum summopere contendit. Et ut semel finiam, Augustum ille, is ab inferis Mœcenatem revocavit. Verum quum hac eloquendi renuitate utriusque laudes imminuam potius, quam augeam, ad cætera progredior.

CAP. XXIX.

*De ærarii custodibus, quos
ταμίαι Græci dicunt.*

DE GEM numero erant ærarii publici dispensatores, qui præsentibus senatoribus viris ex ipso ærario in Palladio, de quo egi, adservari solito, quantum ipse publici usus necessitates exigent, desumere solebant, præcipueque in rem nauticam fartam, rectamq; conservandam, ex qua frequenter non tantum Athenarum, sed totius Græciæ salus pendere visa. Duas vero potissimum naves insigni magnitudine nomine publico curabant, quarum una παράλιον, altera ἄμμαν dicebatur; quanvis non desunt authores qui cum παράλιον ταλαμινίων iungant. Præter ærarii dispensationem, Palladis auream imaginem,

nem, victoriarum monumenta à ducibus data , reliquorumque sacrorum ornatum in publicis supplicationibus obviam senatui euntes deferrebant : quod factitari solitum lego ab his quos Græci *κολακέρτας, ἰφόρες, φύλακας, ταμιῷχος, διοικητὰς* vocant. Adferit vero Harpocracion esse eiusdem dignitatis vocabula inde dicta, quod conderent, servarent, promerent, dispensarent. Interpres orationis Demosthenis *καὶ προκράτες*, ait locum fuisse in politica arcis parte , quam *ἀκρόπολιν* nominant , hincque dictum *ἐπιθρόδον, & ταμίον*, quod omnes omnium fanorum pecuniæ eo congerentur : ubi ait contigisse aliquando ut à fœneratoribus averiæ per Tamias pecuniæ desiderarentur, factumque inde ut qui tunc *ταμίαι*, essent, ærarium incenderent, ne illorum apparerent furta , & negligentia.

Demosthenes philippica tertia
 hos *ταμίαις δημοσίαις*, publicos
 adservatores, quos vulgus no-
 strum thesaurarios parsimoniæ,
 aut simpliciter vocat. quod vero
 & pecunias suppeditent, prima
 philippica *περὶ τὰς ταμίαις* dixit.

CAP. XXX.

*Περὶ ἑκλυωταμίαν, quos La-
 tine Græcia quæstores
 dicere possis.*

TAMIAI me admonuere
ἑκλυωταμίαν. quorum mu-
 nus erat eas pecunias excipere,
 & administrare, quæ ex parte
 Græciæ Atheniensibus parente
 colligebantur, ut idem illi in sa-
 cris, quod isti in indictionalibus
 agerent. Pollux ait & insularum
 proventum exigere, & excipere
 solitos. Hanc vero tradunt Græ-
 ci authores nominis rationem.
 Post

Post navali pugna superatum
 Persarum regem ab Athenien-
 sibus , illi in retinendo imperio
 diligentissimi, quia caput post ca-
 lamitatem, clademque acceptam
 statim ante omnes Græcos ere-
 xissent , cæteris tributa impera-
 vere, ad persolvendas belli nava-
 lis impensas , quo communis pa-
 triæ hostis esset profligatus, quia
 maior impensæ pars fuisset ante
 ab illis exposita: itaque illos quæ-
 stores vocarunt *ἐλλωτοράριαις*, id
 est, Græciæ quæstores. Latius ex-
 plicat originem vocis huius He-
 rodotus in Urania , adfertque de
 Themistocle historiam: ad quem
 lectorem remitto , ne sim tæ-
 diofior.

CAP. XXXI.

De Hellanodicis.

QUOD eadem in sacris totius regionis Atheniensibus subiectæ isti curarent, ac præcedentes proxime in ærario conservando, volui illos subiunctos. Pecunias ergo rerum sacrarum nomine debitas exigebant, ipsisque choragis de quibus egi, in impendium sacrorum dabant, quod ipsum à civibus, Athenarumque habitatoribus *τετρήναρχοι*, qui & *φράγες*, exigentes, in urbanis sacris, & ludis facere consueverant. Sed de his & conventu *ἀποφαινομένων* amplius dicam in alio opere. Labet vero nunc quæ desideramus subnectere.

C A P. XXXII.

*De gynaecomis, qui matro-
narum cultui, ne modum
excederet, praeerant.*

GΥΝΑΙΚΟ' ΝΟΜΟΙ, aut
γυναικόνόμοι, de matrona-
rum primum, postea de omnium
mulierum ornatu statuebant, ne
ulla ipsarum quicquam se indi-
gnum ferret, utque singulae pro
ratione census & facultarum in-
ducerentur, indicta multa ei quae
secus fecisset, qua statim plecti
solebat quae edicto, aut legibus
de ea re latis non paruisset. Erat
etiam de incestu lex à Philippide
quodam lata, ut quae inhoneste
incederet, statim mille drachmis
multaretur. Hos fuisse viginti
numero scribit Pollux. Veneti-
quum proxime actis annis vide-
rent eum in mundo muliebri

sumptum intolerabilem, indeque rei familiaris in immensum dispendium crescere, sanxere ne ulla patricii sanguinis mulier, aut puella in publicum veste serica induta prodiret, nisi nuptiarum die, & quibus nuptiis, convivisse solennibus adesse moris est: quum alioqui multæ etiam humililoco natæ cum reginis pompa certare possent. Statuere præterea, ne aureum, gemmisve ornatum torquem, monileve, aut cingulum una ferret, gemmasve in annulis gestaret. alterum enim horum tantum eligere necesse est, aliis carere. Creati ad hanc rem magistratus, eas cogunt multando legis observare præscriptum. Non dico quam ista lex sit nobis necessaria, quum illis qui prædia tam sua, quam aliena, domos, dignitates, & quicquid undique per fas, aut nefas corradere possunt, in humeros, &

orna-

ornamentum uxorum, & adolescentularum exponere vano more coguntur, sit satis persuasum. Unum id adseverare constanter non dubito, frustra leges condi, & instaurari, nisi funditus evulsa peccandi origine: quæ quanta in his præcipue sit, qui in foro sunt, atque versantur tantum non ad ossa, medullasque exesi miseri litigatores docent: viri boni qui hæc ex usu perferre coguntur, deslent. nec enim videre possunt quid tantopere prosit uxori gratissimæ marito ille ornatus, nisi ut amatoribus placeat magis. pudicis enim, & probis nil præter molestias adferre potest. Athenæus sexto Dipnosophistarum libro *ἡναι γενόµων* officium larius patuisse scribit, ubi de parasito ait. Narrabat *χαίριφῶν* aliquando parasitum non vocatum venisse ad conviviũ, quumque rerumberet in ultimo mensæ

loco, ipsis gynæconomis (quos symposiarchas alio verbo Græco Latinis magis usitato dicere hic possum) numerantibus, ut moris erat, convivas invitatos, illum parasitum, ut qui numerum excederet tricenarium præfinitum, discedere iubentibus, Numerate, inquit secundo, à me incipientes. Quod vero mos esset gynæconomos convivia inspicere, invocatorumque numerum disquirere, si legis servaretur præscripto, Timocles in φιλοδικάση ita scriptum reliquit. Referate, ait, portas, ut in luce simus conspicui magis: ut pertransiens si volet gynæconomus, numerum capiat convivarum, secundum scilicet legem novam: quod fieri est solitum. statimque subdit: Philochorus in septimo Attidos ait, Gynæconomi cum Ariopagitis congressus hominum in singulis domibus observabant, atque in nuptiis,

ptiis, & sacrificiis: quoniam illic solebant dapibus affatim uti, atque adeo tantum non obrui. Hæc Athenæus. Non convenit in convivarum numero cum Platone. Is enim in nuptiis ultra decem convivas esse non vult, quinque viros scilicet, & totidem fœminas. Verum ille rem gestam, hic imaginariam, qualis est tota illius Respub. scribit. quapropter & magistratus illos quos Politia exponit nolui attingere, ne quis ignorantia, aut negligentia id à me factum credat.

CAP. XXXIII.

Περὶ ἐνόπτων, quos bibendi arbitros dicere possumus,

QUOS cæteri authores ἐνόπτας dixere, id est, vini observatores, illos Plato in effictæ suæ Reipub. libris *πράγματος* vocavit,

cavit, quod legis credo admone-
rent. nam sicut gynæconomi, ut
paulo ante scripsi, modum in
mundo muliebri, convivarum
numero, epularum modo, obser-
vare cogeant: ita hi itidem in
vini usu præscribebant, ut si quis
bibendi modum esset supergres-
sus, multa præsentē cogeretur
parcius alias vino uti. Quis vero
antiquis esset poculorum nume-
rus non refert, quum naturæ non
numeri sit habenda ratio. Mo-
rem in ea re apud varias gentes
observari solitum si quis scire
desiderat, decimum, atque unde-
cimum *δεκάποσις* αἰν. Athenæi
libros legat, in quibus fere nil
aliud tractatur. Magistratus, in-
quit ille libro X. *δινόπται* erant
apud Athenienses teste Eupoli
poëta *ὅτι πόλεις*: quos nunquam
adhuc vidimus inter milites ad-
scribi, ne ipsos *δινόπταις* quidem.
O civitas civitas, quam tu es de-
lica-

licatior, quam melior, ac prudentior? Hæc ad verbum Arhenæus. Ex illa Eupolis sententia apparet, antiquitatem, militem usque adeo sobrium deligere solitam, atque vini usu carentem, ut ne ipsos quidem vini observatores voluerit eum augere numerum. Quantum vero iuuet vini usu in exercitu carere, satis re ipsa ostendit Turca, qui magna quidem illa multitudine, sobria tamen, vinique usu pœna capitis in exercitu destituta. Græcos tam egregios potiores, ut proverbium pergræcandi hinc sit natum, Macedonas, Thraces, Dacos, Myfios, Pannonos, Iugros, Dalmatas, Gepidas, atque adeo ipsos Germanos etiam vino armorum peritiam iungentes, nostrosque Gallos docet rem bellicam infœlicius inter pocula, fœminasque tractari, atque delicias, quam in tenui mediocritate, vitæque abstemia.

stemia. Nostri Thraſones inter pocula, Venerem, ruſticos, ſinguli decem illius viros unico congreſſu, ne dicam niſtu, conficiunt verbis, & interim ille ſerio, reque ipſa de nobis, aris, focis, liberis, coniugibusque triumphat. Sed ad Athenæum redeo. Hi vero *οινόπται*, ait, obſervabāt quæ in conviviiſ ſolerent fieri: ſi æqualiter biberent convivæ, Erat vero vulgaris magiſtratus, & tenuis, ut ait Philinus rhetor in Crocanidarum diſciplina, triumque virorum numero, qui inde *ὀφθαλμοί* ſunt vocati, oculi; quod non raro quos oculos mentis ipſi convivæ vino victi perderent, hi reſtituerent monitionibus. Sympoſiarchæ ab hiſ mihi tantum nomine diſferre videntur. Huic *ὀνοφλύζων*, vini helluonum peſti, ſanctione proſpexerat ante duodecim annos Carolus imperator Quintus, ſta-

tuerat-

tueratque in temulentos pœnam: verum ex eius lege evenit quod ex divina ait Paulus, ut per legem, quæ semper est peccati filia, peccati fieret augmentum (ut natura in vetitum nitimur, cupimusque negata) atque à quo esset genita, idem redderet genitum. Nisi enim sint accerrimi legum latarum vindices, illæ ad ostensionem, peccatique revelationem videntur latæ, non ad coërcitionem. Leges enim si semel hominum mentibus, vel opinione sola sint imbibitæ, plus poterunt quam ipsissima veritas. Suasit lex Chaldæorum contemnere mortem: homines in toto fere orbe sacrificare: quod & hodie apud Barbaros nuper nostro orbi revelatos viget. loco ipsorum animalia divis occisa sacrificare. atque adeo plus valuit falsa persuasio, Pharisæorum, & scribarum leges etiam divinæ refragantes

gantes sub adventum Christi, & suorum, quam ipsa ab ipsissima veritate enunciata veritas. Quare si lex aliqua est ferenda, est & alenda, consuetudineque, aut vi in usum trahenda: alioqui frustra fertur. Flandri itaque, & quotquot sunt illic Germani videntur non tantum neglexisse, sed legis Caroli vim auxisse. Veneti vero quia adolescentes patricios videbant rem familiarem cui essent successuri, absumere, mercaturam (cui tota Italiae nobilitas studere merito mavult, quam aliena diripiendo, vanum, nudumque nobilitatis nomen prætexere) neglectam relinquere, & præterea rei familiaris dispendium decoctionibus, in spe & rei familiaris, & amplissimæ dotis, ingens facere, indeque scelera ex consortio nebulonum (qui facillime in liberrimam totiusque orbis felicissime sitam civitatem irrepunt) contrahere, non infre-

infrequenter inde ad laqueum trahi: sanxere una & dotis, & epularum in conviviiis privatis modum, ne privatis epulis poena multæ ultra unum, aut alterum capum non imperata venia apponerent cum bubula, & vervecina: neve quantumvis dives patricius ultra sex millia Ducatorum aureorum dotis nomine filia ausit dare quum antea à tenuioribus ad sexaginta, quadraginta, quinquagintaque M. darentur. Ad hæc ne ullus patricius ausit filio ante ætatem iustam dare, qua in leges peccare sumptu liceat: unde factum est, quum sint exacti apud illos nomophylaces, ut lux coërceretur, res, si non fieret amplior, nullum acciperet detrimentum. Prudens hic silentio sepultam volo quam gloriam multæ nationes ex vini ingluvie ambiunt, quum videam laudi dari, quod

P. homo

homo cum homine, & ipsius equo certando certamen inear bibendi, vincatque, atque una die, horaque absumat quod denis iuste faciat satis. Video enim hæc monstra frequenter esse in deliciis, tantum abest ut pœna sit flagitiis illis constituta.

CAP. XXXIV.

*De fori curatoribus, quos
ἐμπόρους ἑμπόροις
dicunt.*

FORI curatores decem Athenis fuere, qui pro tempestatis, annonæque ratione de rerum precio statuebant, ut non vendentium arbitrio, sed iusto tantum precio distraherentur: ad hæc ne vitiosas loco legitimarum merces exponerent: præterea ne quis civium plus frumenti, vinique quæstus causa apud se
repo-

reponeret, quã rerum illius usus
 exposcere videretur (usque adeo
 privatus illis census erat brevis,
 commune magnum) quæ vero in
 urbẽ quotidie supra usum infer-
 rentur, in horrea publica nomine
 publico reponi curabant, unde
 iusto precio etiam iniquissima
 temporũ ratione egentibus civi-
 bus depromerent. Nos interim
 nõ pudet, Christum, ipsiusq; do-
 gmata, verbisq; amplissimis pie-
 tatem, charitatem, quæ mater, &
 fons est omnium rerum bene ge-
 starum, profitentes, nullis horreis
 publicis pauperibus, quos ex suo
 cœlo frequenter eiecimus, pro-
 spicere: verbis ipsum profiteri
 Euangelium, negligentia autem
 virtutem eius abnegare. Quo-
 modo prospiciant suis Veneti,
 dixi supra. Quanvis omnino
 destitutis (à foro enim in quo nil
 possunt, digredior) cœptum sit in
 non paucis Galliæ civitatibus.

prospici, tamen indies emergenti pauperum turbæ in singulis facile prospici posset, si quæ inutiliter multi hominum conventus ditissimorum absument, in eam rem conferrentur. si quæ multi monachi occupavere redderentur, si ex ære publico quæstus re frumentaria, & vinaria fieret, proculdubio satis esset unde languenti, & semimortuæ pauperum vitæ pararetur, quod supplementum laborum ipsorum absolveret. nec enim censerem omnibus dandum, sed validos occupandos in publicis, priuatisve operibus, sumptum ubi facerent suum. morbo vero laborantes, atque aliqua præcipua adque opus utili parte affectos, è publico ærario alendos iudicarem. Munera piorum, donationes ex testamentis, multæ, & varia alia possent in usum illum comparari. verum ista ex affectu cogor dicere.

CAP. XXXV.

De Episcopis.

EPISCOPUS erant ad quos delectus, Provinciarumque negocia, ut Ciceronis verbis utar, referebantur. In singulis enim Provinciis hi velut rerum arbitri constituti perquirebant de his quæ ad iurisdictionem, publicas iniurias, litesque spectabant, si quis illos adire vellet: ac sententiam ferebant, cui non secus ac si à principe magistratu lata fuisset, parebatur. Vocabantur etiam ἀρμωσπῆς aptatores, & φύλακας, id est custodes, atque ἑφοροι præfecti. ἑφορᾶν enim & ἐπισκοπεῖν est speculari, disponere. Nominis ephori usus est Cicero Quæst. Tusc. prima. Quum Lacedæmonius quidam, ait, cuius ne nomen quidem proditum est,

mortem tantopere contempserit, ut quum ad eam duceretur damnatus ab ephoris, & esset vultu hilari atque læto, dixissetque ei quidam inimicus, contennisne leges &c. Voce autem Episcopi in Pandectis usus est iurisconsult. de mun. & hono. l. munerum. Episcopi, inquit, qui præfunt pani & cæteris venalibus rebus &c. Cicero etiam Epistolarum ad Atticum septimo, Ego, ait, præsum negotio non turbulento. vult enim me Pompeius esse, quem tota Campania & maritima ora habeat Episcopum, ad quem delectus & negotii summa referatur. A diligenti rerum speculatione nostris Christianis Episcopis nomen est inditum, qui ipsi ut sint præclaro nomine donati, video: ut rem ipsam verbis conferant, certe in paucis patet. Sed quis custodiet ipsos custodes? Hos puerilis ætas, hos infantia,

tia, hos ambitio, illos cupiditas, quosdam fastus aulicus, non paucos veri odium, consuetudinis vitiosæ observatio prohibet verum audire. Improbos nomineque indignos perstrictos volo. Quæ itaque iusto & acerbissimo dolore motus in eos scripseram, quum præclarissimos viros videam iam totos mille annos illos commonefaciendo aërem verberasse, visum est omittere, atque perituræ parcere chartæ. Si Esaiam, Ieremiam, Ezechielem, doctoresque omnes non audiunt, quid aliud quam crabrones scribendo irritare possum, quum arguere melius non possim?

Habes æquissime Cancellarie meas de magistratibus Atheniensium observationes: quas si abs te probari sensero, me præterquam quod magnum præcium operæ fecisse videbor, magnamque consequurus fœlicitatem, ad ma-

iora incitabis. Fiet enim tui iudicii censura, ne ullus possit tam facile carpere ac calumniari quod semel probaveris. Si vero quisquam rem ipsam ut minus absolutam culpae volet, erit laborum & sudoris mei admodum iniquus aestimator. Verum satis erit si nostra carpendo, norit nil esse ab omni parte beatum. Sed haecenus.

FINIS.

IN-

I N D E X

C A P I T U M.

EPISTOLA nuncupatoria ad
D. Gulielmum Poietum to-
tius Francia Cancellarium.

P A G. 5.

Ad lectores prafatio. 13

C A P. I.

De populi divifione. 21

C A P. I I.

*De tribubus, & aliis populi parti-
bus.* 37

C A P. I I I.

*Quomodo eligerentur magistratus
Athenis,* 43

C A P. I V.

De Ariopagitarum senatu. 45

C A P. V.

De nomothetis. 62

P 5

C A P.

INDEX
CAP. VI.

De legum conservatoribus, quos
Græci νομοφύλακες dicunt. 66

CAP. VII.

De quingentis viris. 72

CAP. VIII.

De arbitris. 83

CAP. IX.

De trierarchis. 100

CAP. X.

De undecimviris. 105

CAP. XI.

De Decemviris praesidibus, qui
Græce πρέσβεις vocantur. 111

CAP. XII.

De subdialibus comitiis, quæ Gra-
eci ὑλιαία dicunt. 120

CAP. XIII.

De quaestoribus graia voce ὑπο-
δέκταις vocari solitis. 123

CAP.

C A P I T V M.

C A P. X I V.

*De logistis , quos rationum magi-
stros dicimus.*

126

C A P. X V.

*De custodibus , quos Graci ἀν-
ταφῆς vocant.*

132

C A P. X V I.

*De quaestoribus illis , quos Graci
demarchos vocant.*

135

C A P. X V I I.

*De quaestoribus repetundarum,
quos Graci δῶδῶρες dicunt.*

144

C A P. X V I I I.

*De lexiarchicis, peripolis, & Ephe-
bis.*

153

C A P. X I X.

*De Novemviris una , quos ἄρχον-
τες Graci , id est , Principes di-
cunt.*

160

C A P.

C A P I T V M.

C A P. X X.

De eponymo. 167

C A P. X X I.

De Rege. 170

C A P. X X I I.

De polemarcho Tribuno militum.
176.

C A P. X X I I I.

De militaribus officiis. 180

C A P. X X I V.

De sex Thesmothetis. 184

C A P. X X V.

*De tribunalibus subselliisve in
quibus Athenis ius dicebatur.*
187.

C A P. X X V I.

*De assessoribus, quos Graci magi-
stris vocant.* 200

C A P. X X V I I.

*De apparitoribus, & illis quos
Graci*

I N D E X.

Graci εἰσπαγωγῆς dicunt. 202

C A P. X X V I I I.

Περὶ ἀλλοτρίων, quos coloniis deducendis praefectos dicere possumus.

204.

C A P. X X I X.

De ararii custodibus, quos ταμίαι Graci dicunt.

210

C A P. X X X.

Περὶ ἐμμεταμίων, quos Latine Graeciae quaestores dicere possis.

212.

C A P. X X X I.

De Hellanodicis.

213

C A P. X X X I I.

De gynaecomis, qui matronarum cultui, ne modum excederet, praerant.

215

C A P. X X X I I I.

Περὶ δυνάτων, quos bibendi arbitros dicere possumus.

219

C A P.

INDEX CAPITV M.


CAP. XXXIV.


*De fori curatoribus, quos ἐπιμελῆ-
ται ἑμπροὶς dicunt.* 226

CAP. XXXV.

De Episcopis. 229

FINIS.





20

(208)

2732-361 b/w

